

四庫全書

經部

欽定四庫全書

待軒詩記卷八

明 張次仲 撰

周頌

周頌者周室功成德洽之詩作在周公攝政成王即位之初雅不言周頌言周者以別商魯也周頌皆施于禮樂非如風雅有徒作而不用者也商周二頌皆用以告神明而魯頌乃用以為善禱後世文人獻頌特效魯耳非商周之舊也周頌多不協韻未詳其說陳止齋曰別以尊岸之禮故魯頌以諸侯而後于周序以親疏之義故商頌以先代而後于魯魏仲初曰周頌嚴正魯頌誇張商頌簡古其體裁亦自有辨

清廟之什

清廟

序祀文王也

續序周公既成洛邑朝諸侯率以祀文王焉季明德曰序以此為洛邑初成朝

諸侯而作則洛邑即洛誥所謂王在新邑烝祭歲者然彼言文王駢牛一武王駢牛一是文武並祭此詩中畧不及武王何耶武王時豐鎬皆有文王廟洛邑之成則在成王時矣意此詩作于武王時乎朱康流曰案蔡氏獨斷他序皆無所載獨載周頌之序又不著其詩之所自作獨述其歌之所用如此詩序曰祀文王而獨斷曰祀文王之所歌則此為歌詩者之例蓋樂工之所傳而非作詩者之序明矣夫歌者之所施與作者之所指不可得而同也即清廟一詩或用之于大嘗禘其說在祭統矣或用之于養老其說

在文王世子矣或用之于兩君相見其說在仲尼燕居
矣或用之于祀周公其說在明堂位矣周之盛時猶
難盡泥況在末世相沿益謬其于作者之指不大有
逕庭乎是歌者之例必不可以為作者之序也而周
頌之序乃與獨斷無異者大抵周頌之序與樂工之
所傳者相亂而後人遂竄易之觀桓之序可見是非
錯出固不足為據如昊天有成命本祀成王之詩而
後世或用之于祀天地遂以為祀天地之詩雖本祀
文王之詩後世或用之以祀太祖遂以為祀太祖之
詩毛鄭諸子抱殘襲舛不察其非又強為之辭非晦
翁卓識其孰能定之至于魯頌商頌則用之者少故
其序未至于傳訛而晦翁亦併疑之後學未敢以為
然也

於

音鳥

穆清廟肅雍

隳石經

作雍

顯相

式亮切

濟濟多士秉文之

德對越在天駿奔走在廟不顯不承無射

音亦

於人斯

此詩

叶韻未詳 賦也於歎詞穆深遠清靜也廟之言貌也死者精神不可得見但立宮室象貌以表章之耳肅敬雍和也周公即在廟之人心以揚文德之盛而肅雍即文之德也顯相云者猶言洋洋在上如或見之也濟濟盛貌多士指諸侯來朝而與祭者秉執也不忘也字書對當也越遠也超也對者近言之也越者遠言之也若近若遠摹寫敬天之意駿疾也駿奔走言多士勤于襄事也先言秉德而後言對越奔走惟秉德則對越不屬影響惟對越則奔走不為虛文不顯不承即丕顯丕承也顯光明承承順也多士之奔走對越若此其光明文王之德與承順文王之志與要有何者取厭于人哉射厭也按頌者美盛德之形容也此詩不稱揚文王而止言多士之對越奔走以見其顯承蓋文王之德不可名言凡一時在位

之人所以能執行文王之德者即文王之德所在也所謂承顯者又不言其豐功偉德不過曰人無有厭射之耳則吾人于倫常之際欲盡善盡美不必求諸高遠矣徐士彰曰後世不知祭祀之義視為故事觀周公首祀新邑若濶于事情者不知人主臨御之始齋戒一心對越天地而助祭諸侯下逮庖宰之賤亦皆有孚顙若收其放而不令其離益格君心萃天下之道莫要于此宜公以為首務也徐玄扈曰朱傳凡言不者輒以豈不為訓如鄂不韡韡不戢不那於乎不顯及此篇不顯不承之類愚謂皆非也鄂不之不顯屬花足不戢不難則受福不那矣明其以戢難而受福也於乎不顯亦實言其不顯蓋至德淵微中庸謂之篤恭擬之無聲臭而強謂之顯何也獨此章所云箋說近之而下文語意不相應疑古不與丕通用正言丕顯丕承無射于人如此按風首闕雖風化起于閨門也小雅首鹿鳴宴樂必先于嘉賓也大雅

欽定四庫全書

卷八

首文王王業昌于文王也頌首清廟聖德配天亦莫如文王也屠氏本跋曰河間獻王樂記云清廟之

瑟朱絃而疏越一倡而三嘆有遺音者矣詩傳謂周頌多不叶韻朱元晦云一倡三嘆者一人倡之三人之和之如今人換歌之類蓋每句而四人歌之則成四句已似一章而末句一字自然成韻故曰有遺音今讀清廟維天諸句而嘆古韻之不可考矣夫聲依永律和聲八音克諧無相奪倫然後神人以和百獸率舞考之諸頌韻多不叶何以能調聲而合歌舞之節也況變風變雅詩人歌之以觀志太史錄之以示成皆非奏之于樂者猶然叶韻豈有被之管絃薦之郊廟者反令韻有不叶耶所謂遺音云者蓋音韻悠長辭音婉孌聽之而有餘音諷之而有餘味如曰餘音餘響之遺季札所謂颯颯非遺失之遺也有韻然後有音有音然後成詩未有無韻而可成音無音而可成詩者假令一人倡之三人和之末一句自然

成韻則今之古風歌行近體絕句可以不韻而成亦
曰一人倡之三人和之自然成韻豈宜也哉雖古今
異體韻叶不同然必古韻原
有叶而今亡之故不可攷耳

維天之命

序太平告文王也

蘇子由曰天下太平以為文王至德所致故以告之鄒肇敏曰清廟

于奉祭之人心觀聖德維天之命則直遡聖德之同天

維天之命於穆不已於乎不顯文王之德之純假以溢

我我其收之駿惠我文王曾孫篤之

賦也此言天道無窮聖德無間嗣王

非厚德以承天眷無以慰在天之靈也詳玩維字即惟天為大惟堯則之之意命猶道也穆深遠也不顯

即深遠之意不已則無間斷先後純則無二無雜則已純則不已中庸曰維天之命於穆不已蓋曰天之所以為天也嗚呼不顯文王之德之純蓋曰文王之所以為文也純亦不已言簡理盡可謂善說詩矣假即假借之假溢水滿而餘波旁及也我與曾孫指成王其者自任之詞收聚而受之駿大篤厚也承上言文德同天如此假使天以餘波及我我猶將收之若大加惠我文王曾孫其敢自菲薄而不勉承天春乎惠文王正所以惠曾孫此仰祈于天屬望于後之意去聖浸遠典刑易墜非用意篤厚不能承守故曰曾孫篤之何黃如曰章首以文王與天對明是宗祀配帝之語而篇末亦有冀望于天之意則此詩非但告文王亦所以告天也

維清

序奏象舞也

此奏象舞時之所歌也孔氏謂文王時有擊刺之法武王作樂象而為舞故曰

象舞周公成王之時以今太平由彼五伐用而奏之于廟因為詩以歌之令後人觀其奏聞其歌而思其功故堂下舞象而堂上為此歌也按象舞與維清文德武功殊不相合不知此正作詩者深心欲令觀者尋遡武功之源由于文德不沾沾于五伐間誇其威武也文王二年伐邠三年伐密須四年伐大夷五年伐耆六年伐崇是為五伐樂貴人聲升歌在上不與眾樂相混欲使人靜聽歌闕堂下吹管則合樂而舞蓋一詩而分兩奏也按竹書成王八年作象舞謂武王原有此樂至成王八年復作之也

維清緝熙文王之典肇禋

於英切

迄用有成維周之禎

真叶

賦也文德同天樂之以一純清則其純而不淆者緝則其純而有常者熙則其純而光大者維者言維此

清維此緝維此熙乃文王之典與常也法也謂可永
守而不易者清緝熙是文王心體而謂之典心法之
外別無治法布于方策者非其精神所存也肇始也
周禮以禮祀祀昊天上帝禮祀天之禮也迄至也用
其禮也有成謂終始用之所謂宗廟享之于孫保
之也文王有典則以貽後人王業雖未成而禮祀之
禮已肇于此至其後有天下用而有成焉是文王之
典為周之禎祥禎者吉之先見者也鳳鳴麟至何足
數哉人心一息昏瞶萬事皆錯故詩每以緝熙吟咏
文王篇於緝熙敬止昊天有成命篇於緝熙單厥心
敬之篇學有緝熙于光明載見篇俾緝熙于純嘏緝
熙是文王一生學問前言德此言典德為典之本典
為德之用于此見
內聖外王之學

烈文

序成王即政諸侯助祭也

周公居攝七年致政成王乃祭祖考戒諸侯

烈文辟公錫茲祉福惠我無彊子孫保之無封靡于爾邦維王其崇之念茲武功繼序其皇之無競維人四方

其訓

叶盧均切

之不顯維德百辟其刑

叶彤强切

之於乎前王不

忘

此章舊不叶韻按別本公功為一韻彊邦皇為一韻訓人為一韻刑忘為一韻賦也烈言其功文言其

德辟公助祭諸侯也為國君故稱辟皆五等之貴故稱公成王即政之初去武王不遠其助祭諸臣往往身佐文武以定天下故先稱美而後成之錫茲祉福謂辟公夾輔先生克定大業今日守成祉福皆辟公所賜此乃無彊之惠子孫其可不保之乎下正教以保之道取之有制無封殖以專利用之有節無侈

靡以傷財惟王室是尊也戎功武功也序謂相傳之次皇大也念伐紂時親蒙矢石有此武功于孫繼世須張皇威武以消四方不軌之心苟無創業之精神則亦難與守成也未又勉之曰人而與人爭競豈足垂訓人而外貌塗飾豈足儀刑惟與人無競人亦莫與之競四方遵其訓矣內自修德人亦法其德百辟儀刑之矣人概指天下之人故泛言四方德尤為人君所當盡故專言百辟前王不忘即奉祭時對越駿奔如將見之之意前王所以不忘者正為無競不顯能維繫人心也徐玄扈曰傳箋以無競為競不顯為顯而中庸稱篤恭無聲無臭則是顯悖經文于思未必爾且本文明言無競不顯而強謂競與顯何也第當依文解義言道在當人我自盡人道于世何競之有而四方訓矣不令而行也德本玄微內省潛修何顯之有而百辟刑矣所存者神也嗚呼如此則豈惟予寵嘉之實前王所念而不忘者首歸功于諸

侯而末示戒勉首尾似不合不知
受之以德正所以不忘其功也

天作

序祀先王先公也

鄒肇敏曰序云祀先王先公晦菴云此祭太王之詩夫序增入詩中

所無之先公而晦菴又遺詩中所有之文王均之莽矣季彭山曰此祀岐山之詩易曰王用享于岐山蓋天子為百神之主岐山王氣攸鍾不容無祭祭不容無樂章其不言王季者亦以所重在岐山故止罕首尾二君言之也

天作高山大

音泰

王荒之彼作矣文王康之彼徂

徂後漢書作岵

矣岐有夷之行

叶杭

子孫保之

賦也高山謂岐山嵯峨峨嵯若天締構而成故曰天

作荒開闢也開荒曰荒猶治亂曰亂大雅皇矣篇作
 屏修平啟闢攘剔皆荒之事也兩彼字俱指岐山康
 謂奠安之也夷謂昆夷之類行往來之道路保謂防
 禦之無令窺伺也按遷岐本非得已而周用以興非
 人所能為也故稱天作謂天工之創建也及太王開
 荒民歸如市則稱彼作謂人工之創建也天工人事
 費盡精神民亦勞止非文王惠鮮懷保其孰能康之
 康謂培植岐山之命脉鞏固岐周之根柢祖當依後
 漢書作岨險峻也謂彼岐之險阻誠國之藩蔽有夷
 狄往來道路可以乘間竊發子孫具扞禦防衛世保
 此名山以無墜先人之緒可也昔日犬戎寇邊古公
 踰梁山而避于岐下文王為西伯西有昆夷北有玁狁
 狄益夷之為患從來已久故于告虔之際瞻仰岐山
 有懷往事不覺動色相戒如此張叔翹曰周家王
 業實始于岐故大雅歌其帝省周頌謂之天作後人
 宜何如保守乃平王東遷舉而委之戎狄所謂子孫

保之者安在太王以一岐山而基王迹後世子孫不能
以天下守岐山然後知詩人之語所慮者深遠也攷
此末句不叶韻亦猶于嗟麟
兮于嗟騶虞文王庶哉之類

昊天有成命

序郊祀天地也

國語謂此詩是道成王之德賈誼新
書引此詩釋之曰成王者武王之子

文王之孫是康成以前無不以此詩為祀成王者歐
陽永叔朱晦菴謂此祀成王之詩 守成之主多以
藉寵承休為可晏然無事遂逸豫喪
德天命亦去成王不然所以可頌

昊天有成命二后受之成王不敢康夙夜基命宥密於

音烏

緝熙單厥心肆其靖之

此章叶韻未詳 賦也成
命已成之命謂命之有天

下成則不可易二后謂文武成王謂武王子名誦康
安逸也昊天二句即歷數在躬之義開創之後最難
為繼皆康之一念誤之也康由于敗不敢康則有基
無壞基者積累乎下而承藉乎上也命即成命之命
基命者即此成命而安藉之也譬如築室基址不固
雖棟宇巍然已有土崩之勢夙夜言其工夫之無間
宥寬宏也萬物皆備密沉靜也一念不起不寬宏則
基不大不沉靜則基不厚成王知天命靡常疑承不
易故夙夜無間寬宏靜謐皆不敢一念為之根本此
二句已盡成王聖學下乃慨嘆而贊美之曰美哉成
王其明也繼續而不已矣其心也竭盡而無餘矣天
下其寧靜矣乎天下寧靜即是命之基址單盡也猶
禮歲既單矣之單盡心奉天而不徒在陟降之迹肆
者承上起下之詞靖休養安輯也人主能不自安然
後能安天下故曰肆其靖之文武開創方與天下更
始而未及與天下休息成王之靖所以終文武之志

二后是創業之君詩反說成命見天眷已久惟二后為能善承天意成王為守成之主詩反說基命見守成者有肇基之志始可以圖治也徐子先曰歷觀三代以至今日繼世而後必有變更天心人事其勢自爾尋其所以殆未易言獨周家不然以此知成王之功大矣

我將

序祀文王于明堂也

濮斗南曰周公之祀文王既不

宗廟之禮故特尊其祀于明堂按祀典古來有之至于配天非文王不能享非周公不能制故孝經云孝莫大於嚴父嚴父莫大於配天則周公其人也後之有天下者浮慕其禮襲為故事庸主暴君儼列帝座名為尊親實是瀆帝誕妄極矣

我將我享維羊維牛維天其右之儀式刑文王之典

日靖四方伊嘏

音假古雅切

文王既右饗

享石經作饗

之我其夙

夜畏天之威于時保之

以三之字為韻即必躬必親之意

季明德謂祭賦也二我字

法燔柴於泰壇用騂犢則明堂祭天當用特牛而有羊者周禮羊人曰積其羊牲謂積柴祭天則用羊實柴也先柴而後獻故維羊在維牛之上將者奉羊以供柴也享者獻牛以供祀也右即左右之上右朱克升謂明堂之位帝居中文王居西南主皆西坐東向東左西右神道尚右饌在左而神在右其右即如在之意也
有儀可象謂之儀聲名文物之類儀禮所載是也
式法也網紀法度之類周禮所載是也
刑法是虛字言儀式皆法文王之典靖安也文王以

安天下之心著為安天下之典可為後世法程日靖
四方者日法文王之典以安四方也極治之後不無
否泰相乘之運故安靖之功日以繼日而使四方常
在輯寧恬胃之中則不待明堂將享之時而此心之
格文王者有素矣伊發語詞受福曰嘏伊嘏文王猶
云假哉皇考乃祭時瞻仰之詞詩謂我所將我所
奉者維羊維牛而已禮之常也天其鑒臨我乎其者
疑是尊之而不敢必也天之所享不在乎物惟在安
民惟文王之典可以安民我法文王以安民民安則
文王之在帝左右相對居歆無可疑者古者以右為
尊故曰既右饗之既者決詞親之而不忍疏也天與
文王鑒臨若此我其夙夜畏威以保此民乎其者自
矢之詞任之而無所疑也保民所以法文王法文王
所以法天畏天所以畏文王蓋明堂之上天與文王
在焉故言王對越之誠若此以父配天千古創典可
疑可愕故詩確然言其來享以見行之者非諂受之

者無愧王晦叔謂郊以祀天廟以祀祖禘三代之
達禮也明堂以享帝則非郊以享親則非廟夏商所
未有也而周始為之蓋周之王業成于文王武王之
伐商也誓于孟津誓于牧野其伐商而歸也告于羣
后無不以文王為言則王業成于武王而所以成之
者文王也配天子郊則不可以二太祖之尊烝嘗于
廟則不足以明文王之德是故宗祀明堂以配上帝
此義之所當然禮之所從起而非厚于其禩也至于
明堂之制度則諸家皆以臆度呂氏月令失之誕大
戴記桓氏新論失之侈蔡氏失之離晏子所傳陋而
非禮公玉帶所圖詭而不經大抵聖人制度必有大
經大經本也若夫壇墠之有崇卑堂室之有廣狹皆
節文之末漢儒所傳不敢盡誣以為非亦不可盡信
以為是也五帝與昊天同稱帝不同稱天猶諸侯與
天子同稱君不同稱王也形體為天主宰為帝郊質
而尊之明堂文而稱之郊以天道事之明堂以人道

接之以天道事之則稿秸以為席陶匏以為器蠶粟
之牲掃地而祭所以尊之也以帝道事之則牛羊以
為牲簠簋以為器鬯俎之實其薦用熟所以親之也
俗儒見月令有青陽總章之文遂牽明堂而合之五
帝見周禮有光五帝于四郊之文遂說五帝以附之
明堂鄭康成抗五帝于五神之列而以文武並配厥
義舛矣況孝經雖云宗祀文王以配帝而詩第云維
天云畏天夏不言帝則又何必多立帝名妄肆不經
之說乎周頌三十有一篇曰郊曰明堂曰柴望曰祈
穀曰報祭曰類禘所以告神明之事備矣無祀五帝
之樂章五帝之說始于周禮于是有六天之說于是
有五時之舉甚至流而為方術神仙之事秦皇漢武
唐玄宗真如醉如狂幾至亡國則皆五帝之說有以
惑之也如信周禮則當用馬賁與之說其言曰五帝
者五行之主而在天猶五嶽為五方之鎮而在地也
五帝不出于天之外而謂五帝即昊天則不可五嶽

不出于地之外而謂五嶽即后土亦不可也如以為詩書之文未嘗稱五帝而書亦未嘗有昊天上帝之文則當用朱晦菴之說其言曰帝即是天天即是帝為壇而祭故謂之天祭于屋下而以神祇祭之故謂之帝亦可謂易簡理得矣 潘笠江曰考古明堂之義黃帝祀上帝于明堂唐虞祀五帝于五府夏后氏享祖宗于世室周制宗祀文王以配上帝是周公效古禮為之謂公以義起亦非確論

時邁

序巡守

音狩

告祭柴望也

柴祭天謂燔柴以祭望祭山川山川之遠者望而祭之也

鄒肇敏曰以書武成考之一月王伐商即武王嗣位之十三年四月王來自商至于豐偃武修文歸馬放牛丁未祀於周廟越三日庚戌柴望大告武成此正與時邁相表裏序以時邁為巡守告祭柴望又以般

為巡狩而祀四獄河
海則一舉而兩祀矣

時邁其邦昊天其子之實右序有周薄言震之莫不震

疊

說文疊从三日从宜揚雄字說古理官決罪三日得其宜乃刑之亡新以三日曰太盛改從田因有決罪

行刑之義故訓為懼

懷柔百神及河喬嶽允王維后

賦也邦謂周邦邁者奮發

超越之謂周邦自后稷始封至武王時千四百二十
年一旦度越前人侯化為王國化為天下故曰邁時
如晝夜寒暑不可先亦不可後即所謂序也古序謂
天所右而序及之也古以右為尊謂尊于臣民之上
而夏商之後遂序及于周也實與其字相承其者疑
之之詞實者信之之詞疑者畏天之心信者知天之
至震動也薄言震之者微示其警也疊懼也懷者招
來使就己之義柔者和順使不拂之義河黃河獄四

岳允信也對天言則為子對人言則為后以位言則為王周家乘時而起武王克當天心天以武王為子應數之序實在有周故不必窮兵黷武戎衣一著天下震懼百神河嶽無不懷柔信哉宜為王者惟我后也天之右序豈謬哉此止頌武王伐商有天下之事下則頌其有天下後事矣當紂之時剝孕斷脛醢脯公侯百神河嶽無不震怒武王伐商衆怨既消神怒亦解故曰懷柔

明昭有周式序在位載戢干戈載櫜音羔弓矢我求懿德

肆于時夏

戶雅切

允王保之

此詩叶韻未詳

當紂之時

煥然一新之象考其典章之合否曰式次其功罪之差等曰序王者之位天序之百官之位王者序之式序則邪正判然正是明昭之處戢斂櫜韜肆陳時是夏中國也在位非懿德不可故干戈弓矢俱置不用

雖求懿德以布列於中夏偃武修文妙合時宜信哉
王之能保天下也訪洪範陳丹書舉逸民富善人皆
求懿德之實事初言右序有周而結以允王維后謂
膺天命而無愧也繼言明昭有周而結以允王保之
謂保天下而不疑也黃寶夫曰詩有時邁書有武
成柴望大告之樂章也武成記其事以示後世也庚
戌柴望大告武成此告祭懷柔之實也昭我周王天
休震動此莫不震疊之實也庶邦冢君暨百工受命
于周此式序在位之實也偃武修文歸馬放牛非戢
綏之意乎建官位事重民五教惇信明義崇德報功
非懿德以保乎按下節與上節俱一時事但山川百
神禮之而已四方百辟必有政教之及而後可使其
懷德畏威故慶賞刑威以肅其政所以體上天福善
禍淫之禮偃武修文以章其教所以體上天好生惡
殺之心信乎為天之子足以君神人而保天命也懿
德為心所固有何待于求蓋穢德漸摩漸滅殆盡受

始之初人心尚染于舊必求而布之求懿德可以消
人心不靖之志開人心不泯之理卓去病曰封禪
之義王者巡守祭告高者加厚者如厚如社為上
壇每祭則畚土加之此是常行之禮譬如今人掃墓
者祭畢必加上一二畚于上以識增高之意不知後
來何故作一異常奇舉齊桓慕之以明功夷吾記之
以為奇漢武行之以示侈太史書之以識恨相
如遺之以表忠宋真書之以徵怪真可笑也

執競

序祀武王也

朱晦菴曰此祭武王成王康王之詩按
廟制天子七廟諸侯五廟成王之時七

廟雖立而未備以天子之禮祭享者五后稷太王王
季文武此為五廟五寢也周之追王止於太王則自
太王之上皆不得登於上王之列及成康
致而始備七廟此執競之詩所為作也

執競武王無競維烈不顯成康上帝是皇自彼成康奄

有四方斤

紀覲反

斤其明

叶芒

賦也此頌先后功德而及其祭祀之隆以武王發端者

原有天下所自始也執持競強烈功也武王自強之心執而弗失故其功烈天下莫與之競也成王基命宥密康王敬忌天威所謂不顯也皇即皇皇如之皇顧諟明命之義乃不顯中用心處自彼者追邇之詞奄盡也創業之君固為天心所屬宇文之主類多憑藉舊業乃成康以德凝命則其奄有四方與武王之聰明作后不殊也十六兩為斤斤所以權輕重斤斤者禮樂刑政銖錡不爽故曰斤斤其明詩志武王創始者也人見其功莫知其德成康承藉者也人見其德莫知其功故各推闡言之功見於外而曰執競以原其內之所運德本於內而曰斤斤其明推其外之所著令後世子若孫有以得其精神之所在而寄

其入室儼然出戶
愀然之思云爾

鐘鼓

音王胡
光切

皗

音將

音粥七
羊切

將降福穰

如羊
穰切

降福簡簡威儀反反既醉既飽福祿來反

此言祭時樂
和禮備神降

之福以顯成康之德鐘以立號鼓以立動樂之大也
皗皗言其聲之和磬以立辨管以立會樂之小也將
將言其聲之集祭祀常有酒食之饌不言黍稷牲牢
唯言樂聲之和者聲音之道感通最微樂和則神人
休暢故即繼以降福也史云穰穰滿家取黍稷豐稔
之義字書簡要也畧也義與穰相反而意實聯貫益
人主惟以時和年豐為福降福穰穰則降福得其要
矣何以多為故曰降福簡簡簡與反音韻相連而威
儀句實聯下二句反反重慎也反復也惟威儀不倦
故神靈醉飽福祿反覆而至使其行無兢之餘烈懋

奄有之餘休也 孔疏止應一降福耳作者于樂音和
集之下既言降福于威儀反反之下復言降福每于
一事得禮即言獲福欲見善不虛作福報如響之義
以訓其子孫 商頌那有泰畝簡簡小雅賓筵有威
儀反反蓋古
時有此字法

思文

序后稷配天也

孝經周公郊祀后稷以配天國語周
文公之為頌曰思文后稷克配彼天

此詩蓋周公所作然郊有迎長至之郊有祈穀之郊
此蓋長至之郊按詩云貽我來牟冬至二麥初生蓋
就郊時所見者而言也公羊傳郊則曷為必祭稷王
者必以其祖配王者曷為必以其祖配自內出者無
匹不行自外至
者無主不止也

思文后稷克配彼天

汀力切

立我烝民莫匪爾極貽我來

牟帝命率育

曰逼切

無此疆爾界

經嫁切

陳常于時夏

賦也謚法謀慮不愆曰思道德純備曰文史贊亮曰文思詩贊稷曰思文其義一也后稷以人臣而配天疑於太過故曰克配以見其無愧下乃言克配之實蓋人無五穀則僅仆而死后稷教民稼穡民皆取法以遂其生故曰立我烝民莫匪爾極立即為生民立命之立極法也貽我來牟四句正發明其義小麥曰來大麥曰牟二麥正舊穀既絕新穀未升民食絕續之際民命在此來牟與天地俱生至稷始能識之以為粒食之輔是來牟乃稷之所貽也而生之者帝故曰帝命率育率育者遵其樹藝之法以養其生也無此疆爾界二句承上率育來言二麥之收畝棲野被不分彼此故曰無此疆爾界年年豐稔故曰陳常于

時夏時是也夏即華夏之夏稷之功德若此故曰充配彼天張叔翹曰后稷配天一事也生民述事故辭詳而文直思文頌德故語簡而旨深雅頌之體不同如此

臣工之什

臣工

序諸侯助祭遣於廟也

鄒聲敏曰此康王耕藉之詩玩詩中呼保介而言農時明

是至南郊耕藉車中顧而告之也若謂諸侯助祭遣于廟而戒以農事之詩則所謂嗟嗟保介命我衆人等句對何人而語耶

嗟嗟臣工敬爾在公王釐

力之切從末俗從牙誤

爾成來咨來茹

如豫切

嗟嗟保介維莫之春亦又何求如何新畬於

餘音

烏音

皇來牟將受厥明明昭上帝近用康年命我衆人庠

恥音

乃錢音博搏音博奄觀銍艾音刈盡人事也嗟嗟感歎以深勉

之詞臣立司農田峻之類敬者恪恭匪懈之義爾指
臣工公公事也即指農事釐福咨謀茹吸也食也王
釐爾成者言王祀先農而受福爾實成之因進而與
之謀事與之飲食無非勸其勤農事之意此上是戒
臣工之語下則生車中顧介保而語也暮春斗柄建
辰夏正之三月田一歲反草二歲曰新田新新墾之
田三歲曰畬謂土漸和柔也於嘆詞皇美也當此暮
春之際更無他求所望者田事耳今新畬如何觀來
牟已盛將受天明賜無可疑矣蓋夏麥者秋稼之占
天意昭明終必有年可不盡人事以承天意乎其各

具銚鉏之器以治田奄忽之際即見以鉏刈禾矣欲
民體天心以力農故指秋成伊邇以鼓舞之也迄終
奄速也命農官命之也維暮之春等句言天時所
當乘命我衆人等句言人事所當盡或云新畬非藉
田則非耕藉之詩矣不知此因耕藉而槩言農事不
可緩也月令天子親載耒耜置之參保介御之間鄭
注參參乘之人保衣也介仁也御御車之人也車中
凡三人君車左御居中勇士衣甲居右古者尚右今
君居左勇士居右皆以勇士用備非常便于用力也
暮字古作莫說文曰在辟中為莫後人復加日字辟
音莽錢以起土鐔以去草鉏以獲禾字書序從广庌
病序從广池之上聲說文具也毛鄭與石經俱作序
俗本以序為序相傳之訛也屠氏峻曰舊本此詩
不叶韻別本以工公為一韻維莫之春作維春之莫
音幕畬音豫與茹莫為一韻明叶芒迄用康年作迄
用年康明康為一韻奄觀鉏父作奄觀鉏獲胡郭反

鐫獲為一韻似亦
有理今為補入

噫嘻

序春夏祈穀于上帝也

按篇中絕無祈穀之語晦菴謂此戒農官于廟之詩竹書

康王三年申告農官告于廟是詩之作蓋其時也

噫

音伊嘻

音希成王既昭假

音格爾率時農夫播厥百穀

以叶古切

駿發爾私終卅

三十石經作卅里亦服爾耕十千維耦

叶擬爾

穀里耦

為一韻

賦也

噫嘻慨嘆聲念及先王不覺慨嘆故

以噫嘻發端

昭格謂鑒臨爾謂田官率是統率督率

之意時是播種也

駿迅疾之意發開懇私民田也終

竟畝無遺地之謂服事也亦服爾耕者言皆從事于

耕也兩人並耕曰耦十十合三十里之衆無游惰之
謂詩言成王既昭格于爾爾其統率農夫以播百穀
而播必先耕耕必協力疾于從事無使其一夫之不
耕一畝之不耕也農夫各有其田各以力耕之而爾
為農官則田即爾田耕即爾事爾其勉之古制一
夫百畝方百步三夫為一里十里三十夫三十里則
九十夫又三里則九夫又分三里之一則一夫合為
百夫縱橫皆百夫則萬夫此蓋以百乘百以三十三
里乘三十三里有奇之法也周禮云興鋤利民又云
以歲時合耦于耜興鋤謂使之通力合作也合耦謂
配合其力之相等者俾強不獨勞弱不獨逸也駮發
爾私終三十里則各言之人人發起其私田竟三十
里之內無一畝而不然說文所謂一束之伐也亦服
爾耕十千維耦則對言之一人各有一耦共舉耕犁
之事考工所謂二耜之耦也蓋萬夫合耦而耕實五
千耦耳此以三十里之衆耕三十里之田非人自人

地自地也下之事上則先其公故曰雨我公田上之
勸下則先其私故曰駿發爾私駿發爾私上勸下之
語亦服爾耕下承上之語終三十里言無尺土之荒
蕪十千維耦言無一夫之游惰人以田為公田事為
公事恒多自愛其力今田曰爾田耕曰爾耕則以已
力耕已田必無自怠者矣朱克升曰臣工噫嘻非
祭祀之樂歌而入
于頌者蓋頌體也

振鷺

序二王之後來助祭也

二王夏殷也其後杞宋也武
王求禹後得東樓公封于杞

殷後初封武庚以叛誅更封微子于宋曹氏曰必存
二氏之後者所以尊其先世受命之君俾承祀而不
廢且以示天下公器不主于一姓使時
君常以覆車為鑒兢兢然務脩其德耳

振鷺于飛于彼西雍

難石經作雍

我客戾止亦有斯容

賦也鳥之將飛先振其羽鷺水鳥白色雖辟雖在西郊故曰西雍西雍有水鷺之所集戾至也客二王之後尊之曰客親之曰我客愛敬兼至也鷺之為物羽毛潔白容止舒閑其譬則修潔之君子也故曰亦有斯容斯以鷺言此詩非比非興乃即物以形其容之美也

在彼無惡

鳥路切

在此無斁

叶丁切

庶幾夙夜

羊茹切

以永終

譽

彼此主客相對之詞斁懈也謂恩禮衰替也庶幾幸詞非期望之意錢長玉曰為勝國之遺易起猜嫌在革命之際易生厭薄在彼不以我革其命而有惡于我在我不以彼墜其命而有厭于彼彼此各盡其道人所稱譽自今以往庶幾時時如此而後可以終有此譽此愛人以德之詞

豐年

序秋冬報也

何黃如曰孟冬祭八蜡也蜡祭為豐年有之非若他祭不問豐凶其禮不廢此

詩特以豐年降福為言非報八蜡而何序以為報不實其所報之神鄭氏蔡氏以為烝嘗劉公瑾以為薦新此皆泥于篇中烝畀祖妣一語耳不知烝嘗薦新與有正經不必其豐年也假使當大侵之時告神登歌首舉豐年為詞無乃不類而厚誣其神耶

豐年多黍多稌

音杜叶幾

亦有高廩萬億及秬

音姪谷履切

為酒

為醴

音禮

烝畀

音比

祖妣

以洽百禮降福孔皆

舉里切也此言豐年

賦

致用之周而著休之普也豆之滿者曰豐歲大熟則五穀多有故曰豐年職方氏雍冀之地高燥其穀宜

黍荆揚之地下濕其穀宜稻年若不豐非旱即澇旱不宜秣澇不宜黍稷維豐年或高或下其穀皆熟多黍多秣謂民也萬億及秣謂君也百姓足君孰與不足故曰亦有亦有者民有而君亦有也秣積也陳穀曰秣萬億新穀也高廩之中本有舊穀新歲所收與之相接故曰萬億及秣百物皆所以成禮而以酒為主酒酒味之厚者即周禮三酒所以供賓客醴酒味之薄者即周禮五齊所以供祭祀厚薄猶言清濁酒以及清者為貴黍進畀與也百禮如郊特牲先嗇司嗇以及猫虎坊庸皆蜡祭也玩詩意謂收穫之多可供祭祀以見其豐年耳說詩者謂黍畀祖妣一句而以孝弟立論非詩意也禮之精意無藉于物然必民力善存備物咸有始發皇莫禦盤際不窮故曰洽若荒年則殺禮不得云洽矣凡甚皆偏也孔皆謂大家受福而無異同也此歸功八蜡見其當報而今日之典不容已也詩說曰周以后稷為祖姜嫄為妣然祭

祀則無所不在故總以祖妣言之按八蜡之祭猶虎與先農同祀聖人之不忘本如此曹大家曰治家者不敢侮于雞夫而況于人乎

有瞽

序始作樂而合于祖也

古人以樂成謂之合合者謂大合諸樂而奏之也祖文王

也周公攝政六年制禮作樂合諸樂奏于文王之廟不因祭祀亦不告餘廟以樂初成故于最尊最親之廟奏之耳

有瞽有瞽在周之庭設業設虞

音巨

崇牙樹羽應田

當作

音

縣鼓鞀

音桃

磬祝

音蓄

匏

魚呂切

既備乃奏

音

簫管

音

簫管

備舉

音皇又音橫

皇厥聲肅雍

雖石經作雍

和

鳴先祖是聽

音汀

我客戾止永觀厥成

虞羽鼓圍奏舉與替為韻聲鳴聽成與庭為韻蓋先頌起兩句

而以半叶首句以半叶第二句亦體裁之奇變者也

賦也有者昔無而今始有也以替為樂官者目無

所見而于聲音審也周禮有上中下三替曰在周之

庭則替尚是商之樂工而今乃在周之庭也周庭即

文王廟此二句總發作樂之端下乃言樂之盛以得

神人之格業虞崇牙解見靈臺樹羽置羽于荀虞之

上也應小鼓以助鼓音田大鼓以主衆音夏人足鼓

以跌承之殷人楹鼓以柱貫之周人懸鼓垂于簨虞

鞀鼓名磬石磬也祝方二尺四寸形如漆甯中有木

椎投椎于中而撞之圍即鼓狀如伏虎背上有二十

七齟齬以木長尺標之鞀以導樂在堂下磬以振樂

在堂上樂之始作則擊祝以合之將終則標鼓以止

之下上始終樂之大槩如此故曰既備乃奏奏謂奏其樂章簫編竹為管併而吹之凡樂之細者而亦備舉其餘不必言矣嗶嗶和也肅謂其廉辨整飭雅謂其冲融淪洽肅即傲如意雅即純如意總之曰和鳴客二王之後樂有聲有形先祖神也神以聲感故曰聽我客人也人以形感故曰觀永觀者觀之而不厭倦樂以象成故曰成舜樂九成武樂六成我客聞見皆大聖制作後有作者難為其成今永觀厥成樂之美善可知樂有八音此篇言革音者四石音者一木音竹音各二尚缺其四集傳謂鞀如鼓而有小柄兩耳持其柄搖之則旁耳還自擊其說本于鄭箋今考闕里誌鼓面濶四寸四分高一尺三寸面繪雲彩身繪花上有二環繫以紅絨絛以朱漆架架之誌乃孔廟相傳之書所載當不謬詩志業虞之設與不設牙羽之飾與不飾何闕元韻然明堂清廟原不比于房中盛治文明決難仍夫土鼓大備諸無用之

潛

物乃以成一有用之器天子之書車軌物皆如是也
集極可已之數乃以昭極不可已之文天子之玉戚
朱干皆此類也蓋懸之也多于用見之也久于聞既
竭耳力以審音矣得不竭心思以盡制乎聲音之道
發于虞縣之義所以為盡善也于縣之制與所縣之
器必廣肆言之者所以著創也鼓無當于五音五音
不得弗和故于此一器易其制而餘器亦似煥然
一新矣孔疏周初改懸制故作樂之始先言懸事

序季冬薦魚春獻鮪也

季明德曰此薦魚于寢廟之
樂歌也月令季冬命漁師始

漁天子親往乃嘗魚先薦寢廟季冬者夏正建丑之
月冬月既寒魚不行孕性定而充肥故特薦之序併
春獻鮪言之蓋依附月令春薦鮪之說則季春者建
辰之月魚于是時已不潛與詩意異方慙曰王者于

祖以人道事之有寢以神道事之有廟祭神道薦人道也詩弋魚肥而薦取其味鮓來而獻取其時

猗

於宜反

與

漆沮

七余反

潛有多魚有鱣

張連反

有鮓

于軌切

鯨

音條

鯨

鯨

鯨

以享以祀

逸織切

以介景福

筆力切

賦也此嘆

魚之盛而薦魚獲福也猗與嘆美之詞漆沮岐周二水名上接涇渭下與河通在馮翊去鎬京三百餘里潛藏之深也魚性潛冬月特甚毛氏訓作穆謂積柴水中不知漆沮之中如何積柴養魚也鱣鮓岫居同類異種鯨似鮓而大鮓似鱣而小陸元恪曰鯨身似龍有甲大者千餘觔鮓形似鱣頭小而尖似鐵兜鍪亦有甲長不過六七尺河南鞏縣東雒度北崖上山腹有穴與江河通鱣鮓從此穴出北入河西上龍門入漆沮是漆沮本不生鱣鮓以其逆流而至故亦有之既至則不復返故季冬之月亦有之二魚異于尋

雍

雖石經作雍
經文亦同

常詩人特分別言之。鰪鰒鰻鯉則凡品矣。鰪白色鰒黃色。鰻無鱗。鯉三十六鱗。錯舉以見其多。按此二句總見魚之多。不重色之全。說文享獻也。祀祭無已也。以享指今日言。以祀指日後言。許后山曰。此詩言于其所興之地。取其所產之物而薦之。以示不忘本之意。不然九州方物皆可以薦。奚必漆沮之魚為哉。

序禘大

秦祖也

魯論譏三家以雍徹此。蓋武王初有天下。祭文王而徹俎之詩。古之祭祀

有樂以迎神。必有樂以徹俎。序謂禘太祖謂禘學于后稷之廟。而以后稷配之也。今熟味詩詞。無及于學。稷者且篇末以文母為言。于太祖何與。鄒肇敏曰。或謂禘乃古禘夫喪畢即吉而致死者之主于廟。謂之吉禘。武王以剛位之十一年伐紂。克殷而後為天子。今詩稱天子穆穆其非免喪之初。明甚。安在其為吉。

稱也耶何黃如曰鄭箋據洛誥稱武王為烈考而嚴氏據閔予小子及訪落二詩又稱武王為皇考然則此詩果兼武王祀乎夫烈考與文母相配而言非文王無足以當之烈考既為文王則詩中言孝子者乃武王自稱是則皇考烈考俱為文王一人較然可知嚴氏又引祭法謂皇考者祖父之通稱若皇考果為祖即當以孝孫對言不得稱孝子矣

有來雍雍至止肅肅相

息亮切下同

維辟

音壁

公天子穆穆於

薦廣牡相予肆祀

養里切

假

古雅切

哉皇考

叶口

綏予孝子

莫里切

切宣哲維人

如字又叶然

文武維后

上聲

燕及皇天

叶神入如字

克

昌厥後

上聲

綏我眉壽

殖酉切

介以繁祉既右

音人

烈考

叶口

亦

右文母

滿彼切此詩俱隔句為一韻賦也首言得人奉祭而下則歸美先王之德按雍雍肅肅謂皇

考神靈祭者之誠優然若或見之故曰有來曰至止即如在此之意也相助也凡祭時助祭者先就位主祭者後就位故從相者說起孝子主祀若無一段淵然默然潛孚默感之意不足以通神明穆穆祭義所云慈善不違身耳目不違心思慮不違親結諸心形諸色者是也薦進也廣壯博碩肥腍之謂肆陳也相維辟公所相者何事薦壯肆祀是其事也祭禮甚繁薦壯特舉其一假大也皇考文王也孝子武王自稱對辟公言曰天子對皇考言曰孝子假哉皇考以下數句一意聯絡非冀望之語乃領受而感激之詞綏安也謂受命定其基業也宣通明哲立人之極文德武功盡君之道燕安也安我以安民民安天之心亦安而克昌我後人綏我秀眉之壽介我繁多之福皇考之綏我者如此亦文母有以助之也其可忘報乎故

既右烈考亦右文母以天子之禮尊親則稱皇考有格天裕後之功則稱烈考文者后從夫之稱右者尊也古禮以右為尊烈考自侯而王文母自夫人而后乃所以尊之也此皆懼忤感激之詞所以徹俎時歌此宣以通微是理無不明哲以周知是事無不察盡物則以立極故曰維人文者處以巖柔不流操切武者濟以剛健不屬委靡備君德以臨下故曰維后降年永則事先之日長得福多則奉先之禮備總皆昌後之實也李迂仲曰周人以諱事神者如稱文王則不敢斥名曰文王昌書稱惟爾玄孫其史官不敢斥其名故也如穆王名滿當時亦有王孫滿襄王名鄭當時亦有衛侯鄭魯武公名敖而後世之臣有公孫敖觀此則知此詩言克昌厥後噫嘻言駿發爾私皆未嘗諱也孔子作春秋如匡王名班而書曹伯班簡王名夷而書晉侯夷吾皆未嘗諱沈子發曰武王八十七而即位故曰眉壽一戎衣而有天下故曰

繫社 徐玄扈曰此篇句句隔韻而第六七韻又承第三韻第八韻又承第四韻宛轉相關音律翊翊用韻之變殆秘于此

載見

序諸侯始見乎武王廟也

時成王免喪其年已十六矣朝諸侯而率以見廟亦

事之固然無足疑者孔氏狃于明堂位周公踐阼之說謂此詩作于七年歸政之後者妄也鄒子靜曰諸侯之來本為朝見而是詩之作則為助祭如車攻詩東都之行本為會同而其詩之作則重田獵朱一齋曰來朝將稟受法度而率之見先王者蓋先王法度所從出宗廟禮法所由施也竹書成王四年春正月朝于廟是詩之作益在此時

載見

音現

辟王曰求厥章龍旂陽陽和鈴央央絳

音條

革有

鶴

音倉

休有烈光率見昭考以孝以享

虛羊切

以介眉壽永

言保之思皇多祐

音戶

烈文辟公綏以多福俾緝熙于純

嘏

叶古

賦也

此言諸侯來朝王王率之以祭因祭而受福故又歸德于諸侯也載始也辟王成王也章者

禮樂刑政之屬本是一定辟王初立別有申飭故復求之合蛟龍為旂陽陽色鮮明也和亦鈴也和在軾

前鈴在旂上央央有音聲也絳革解見小雅蓼蕭鶴說文作瑤以為玉聲非也絳革安得有玉聲鄭箋鶴

金飾貌蓋經猛轡首以金為之也休美也諸侯來朝意氣惟悅車服鮮明所謂休有烈光也此皆昭考所

賜率之以見仁孝之事也昭考武王也廟制后稷為始封之君其廟居中十五世而文王當穆十六世而

武王當昭故書稱穆考文王而此詩及訪落皆謂武王昭考孝言心享言物以孝以享言合天下之孝享以為一人之孝享揚予雲所云孝莫大于寧親寧親莫大乎四表之惟心也福是已然壽是未然有福無壽如朝華之草成王此時年十五六詩人即以眉壽為祝蓋貴為天子所祈者壽耳壽從保護中來故曰永言保之恩皇多祐思語詞皇美祐福也有眉壽則享福日長其為祐也多矣詩人既以此祝成王又屬望于諸侯呼而告之曰烈文辟公爾其輔我綏以多福多福之人最易昏憤使我心惺惺不昧以享完全之福是所望于辟公也純嘏完全之福毫無虧歎之謂章氏本清云凡廟主在本廟之室中皆東向及祫于太廟之室中惟太祖東向為最尊之位羣昭入此者皆列北牖下而南向羣穆入此者皆列南牖下而北向蓋羣廟之列左為昭右為穆祫祭之位北為昭南為穆也又云二世祧則四世遠穆之北廟六世

昭昭之南廟矣三世祧則五世遷穆之北廟七世祧之南廟矣昭者祧則穆者不遷穆者祧則昭者不動此所以祧必以班尸必以孫而子孫之列亦以爲序也又云宗廟之制但以左右爲昭穆而不以昭穆爲尊卑故五廟同爲都宮則昭常在左穆常在右而外有以不失其序一世自爲一廟則昭不見穆穆不見昭而內有以各全其尊也

有客

序微子來見祖廟也

味詩詞絕無見祖廟之意季明德曰武王誅武庚封微子于宋

以爲殷後因其始受命來朝將歸而贈此詩以致繼繼之意耳微子名啟紂之諸兄封于微而爵爲子微益商畿

內國名

有客有客亦白其馬

滿布切下同

有萋

音妻

有且

音取七序切

敦琢

其旅

都回切馬旅為一韻賦也此言其始至有者欣喜得見之意微子先代之後于周為客殷尚白亦

白其馬仍其舊也亦字有味自萬國歸命以來誰復為我周之賓客自殷商革命而後誰復仍先代之等威今日有客有客亦白其馬則周之賓禮先代微子之不自菲薄俱在言表矣有萋二句微子所獻之禮也萋白文貌殷尚白故所執之帛亦以白說文且薦也象几二足立於地乃薦帛之具敦琢治玉之名未成器為敦加功而成之為琢旅者陳而戒列即左傳庭實旅百之旅古以玉帛為禮萋且言帛敦琢言玉

有客宿宿有客信信言授之紼

陟立反

以紼其馬

此言其將去一

宿曰宿再宿曰信宿宿信信凡四宿也紼絆馬足也言授之紼商量擬議之詞

薄言追之左右綏之既有淫威降福孔夷

追綏夷為一韻此去而祖

道薄言追之去而追綏也薄言者自謙之詞綏安也謂從容慰諭而不迫也左右綏之多方安慰之也淫威二句正綏之之語淫謂淫人指紂與武庚威謂誅紂討武庚也淫人既加以威善人必降之福夷平易也平易安穩便是福言自此可共享太平矣微子尹絃東夏而禾黍之悲在念故言福善禍淫乃天命天討非人所得而與以慰勞之若以錫之土田爵以上公而侈言降福非武王所以加微子微子亦不受也金吉甫曰觀尚書微子之所自處與箕子所以處微子者不過行遜而已而孔氏遂有知紂必亡而奔周之說何叛棄君親求為後之速也且如孔氏之說則微子久已奔周矣如左氏之說則微子而縛請降矣武王豈不聞微子之賢賓王家備三恪何不即以處微子而顧首以處武庚也武王不亦失人而微子

不亦見拒可羞之甚乎武庚為紂嫡冢面縛銜壁武
庚之事微子何與當時釋囚封墓恩禮悉徧而不及
微子以微子遜野未獲也迨武庚再叛就戮始求微
子以代殷後而微子於此始義不可辭矣王明遠曰
自後世論之懲蔡管事鮮不猜疑同姓懲武庚事少
有能善處前代後者周家則不然管蔡敗而並建親
賢以藩屏周者為益盛武庚敗而建微子于上公其
待遇為益隆此周德之至也羅氏泌云宋為故亳商
之舊都民之被其澤者固未忘也使微子而少異其
志則全商之地確非周有矣而成王周公晏然命之
統承先王修其禮物不少疑貳宋之臣民卒以安堵
非盛德能如是乎予以知立國惟在于賢而不在疑
之多也秦漢而下不原于仁義而
汲汲以防虞為心豈不大可慚哉

武

序奏大武也

明堂位云周公攝政六年制禮作樂以武王用武除暴為天下所樂故謂其樂

為武春秋傳以此為大武之首章

於皇武王無競維烈允文文王克開厥後嗣武受之勝

殷遏劉耆

音

定爾功

此詩叶韻未詳

賦也

此言武王

於嘆詞皇大也無競者莫與之競烈功也允信文文德益言信哉文德之文王也遏止劉殺也於乎大哉

武王之功莫與之競能開之者文王也文王既開之矣武王續而受之勝殷止殺以致定其大功益非文

王莫能創非武王莫能繼也當紂之時剗孕斷脰醢脯公侯殺氣充塞故武王之功莫大于止殺武頌言

文王之德不可無武王之功為奏大武而言之維清言周之成功皆本于文王之德為奏象武而言之各

有攸當也毛傳耆老也六十曰耆按武王告叔旦曰
惟天不享于殷發之未生至今六十年此則武王耆
歲伐殷之明驗也魏仲初曰人知武王以征誅得天
下若以不殺之武而成不世之功人不知之故言武
王所以成無競之功者全由文王輯寧邦家修和有
夏使天下有治平之漸是其克開處于事殷心事原
自無妨紂惡已稔天下歸心武當此時勢何能自己
故善承其不忍變之節躬冒矢不得已之為勝殷以
彰伐暴之義過劉以著止殺之仁耆定其功而文德
始洽于天下是非武王之武無以成文王之文也
按序武奏大武也武乃大武一成一成之歌首紀北出伐
商之事為武樂六成之始故專得武名大武凡六章
武為首章賚為三章桓為六章見于左傳勺與般皆
有詩而不言章次所存但有名而已何黃如以勺為
二章般為四章而以時邁為五章今按勺之詩與再
成滅商相合般之詩與四成而南國是疆相合時邁

是武王初得天下燔柴告天之詩不得以武序在位
一語附合于周公左召公右五成分陝之時然則武
六成竟闕
其一矣

閔予小子之什

閔予小子

序嗣王朝于廟也

王成王也除武王之喪朝于廟之
樂歌也廟者武王所祔之廟王季

廟是也凡詩序俱稱謚此獨言嗣王者蓋成王作詩
時太史即為采集而後人因之也
經世紀年武王

年九十三而崩
成王方十三歲

閔予小子遭家不造

祖侯切

嬛

音窮人其傾切

嬛在疚

音救

於乎

音烏

呼下

皇考

法侯切

永世克孝

呼侯切

念茲皇祖陟降庭止

叶定

維予小子夙夜敬止於乎皇王繼序思不忘

賦也成王將踐阼而

有天下國家之責故嘆繼序之難而思法乎皇考也按左遭寡君少遭閔凶閔者居喪之稱曲禮云天子未除喪曰予小子小子成王自謂造猶成也不造天下未集而皇考終也嫫嫫獨也疾病也左傳有在疚之文謂居喪也此三句非徒自鳴哀痛正自閔其皇王之序有難繼因求皇考之繼皇祖者皇考武王皇祖文王永世終身也陟降上下也庭廟庭止語詞承上言武王之孝思念文王常若陟降于庭猶所謂羹牆堯舜也皇考永孝若此予小子其敢不夙夜敬之乎故復嘆而稱之曰嗚呼皇王謂武王也尊之故曰皇王以天下相傳曰序我繼其序能不思念而忘之哉蓋以皇考念皇祖則當念皇考也此詩不言已之

念皇考而言皇考之念祖正念皇考之真切處皇考一戎衣有天下如許功業成王謂其一生只是克孝訪落

序嗣王謀于廟也

廟武王之廟竹書成王四年春正月朔朝于廟孔疏成王既朝廟與

羣臣謀事詩人述之而為此歌

訪予落止率時昭考於乎悠哉朕未有艾將予就之繼

猶判渙維予小子未堪家多難

乃旦反

紹庭上下陟降厥

家休矣皇考以保明其身

此詩叶韻未詳賦也亮闇之際未可以言故免喪之後

始道其延訪之意訪問也落始也草木實落始生故謂始為落時是悠遠也朕即朕兆之朕父即未父之

父繼即繼述之繼判者離而不合渙者散而不凝庭
廟庭家家庭也訪予落止二句自問自答之詞問予
今日何事為第一惟率時昭考而已此四字是成王
一生學問然而率昭考亦不易也先德高遠眇躬涼
薄昭考之道悠然微妙不可究竟予將勉強就之以
繼其道猶恐判渙不合此非道之難能也維予小之
才力綿弱骨肉之間無端起釁未能堪此然不敢自
棄也惟繼其道于廟庭之中而上下求之上而求見
其陟于家矣下而求又見其降于家矣我之紹述如
此美哉皇考其保明我身乎此即武王之所以紹文
王者而以之紹武王也保謂有所憑藉而不危明謂
有所開悟而不眩按傳云天道遠自聖人觀之天之
于人如家人父子呼吸相通而況祖父之于子姓乎
人能時時以祖父為念自然不陷于匪彝宋王安石
謂天變不足畏祖宗不足法而宋自此亡矣

敬之

序羣臣進戒嗣王也

鄧汝極曰王朝廟羣臣戒王皆不言而託之樂以宣其意其斯

為不言之教
不肅之嚴乎

敬之敬之天維顯思

新夷切

命不易

音異

哉

獎黎切

無曰高高

在上陟降厥士日監在茲

津之切

維予小子

獎里切

不聰敬

止日就月將學有緝熙于光明

叶

佛

音

時仔

音

肩示我

顯德行

叶杭

賦也

按此羣臣進戒成王納諫之詞篇

時無事而不敬也顯謂福善禍淫分毫不爽思語詞
士事也王無謂其高高在上遠而可忽也上帝陟降

即在吾所為之事所日日監臨者即在此一刻也命之不易若此可不敬乎成王答之曰唯予小子未聞敬之之道所願學焉日有所成月有所進習之以漸庶幾學有緝熙于光明有者自得之語亦不自必之詞光明是本體緝熙是工夫緝熙于光明是從本體上做工夫佛弼也學記其求之也佛謂正救其失時是行克肩任也人身惟肩能勝重任天命去留成王一身擔荷有重之義故以佛時望羣臣所謂佛者不過示我顯德行而已顯者明白正大之謂天命維顯作善降祥作惡降殃德行維顯善則當為惡則當去皆明白示我以為我進修之助可也大抵成王做事件件著實如上章勤初政則惟率昭考此章敬天命則惟顯德行誠意懇惻不為空言類如此

小毖

序嗣王求賢也

詩皆自怨自艾之語求賢之意悽然言外時在廟中故列之于頌

予其懲升而陟

音彼

後患莫予弇

音烹普經切

蜂自求辛螫

音釋叶戰

肇允彼桃蟲拚

音藩芳煩切

飛維鳥未堪家多難

乃旦切

予又集于蓼

音了此章懲蜂蟲隔句一韻

鳥蓼隔句一韻賦也按此乃管蔡既誅周公已歸于是訪羣臣以當懲之事而曉以當助予之意也懲是戒已往陟是慎將來其者自矢之詞

莫予自求悔其輕信流言桃蟲飛鳥悔其蔑視武庚并使辛苦也蜂毒在尾其類如鋒謂螫成王謂己之過辛螫也豈不使之哉實自求之而已肇始允信也桃蟲鷦鷯飛翩然而飛也謂初不知桃蟲即為飛鳥故聞人言桃蟲第以為蟲而忽之及其翻飛乃信其為鳥耳蓋藐視之為鼠不知其為虎也方武王誅

紂宥其子人以為孤鶚未幾扶徐奄諸國以叛周公
東征三年而後定此蜂蠆之辛螫桃蟲之為大鳥也
皆予誤之于前所當懲而謹之者也家難謂管蔡之
變集蓼謂皇考之喪蓼水草其味苦已方幼冲而又
適當大喪故曰又集于蓼沈仲容曰訪
落慎始所以處常少監謹微所以處變

載芟

序春籍

上從草

田而祈社稷也

詩中無耕籍之事亦無社稷之語胡庭芳曰載

芟良耜二詩殊無祈報之意不過閔其耕種之勞序
其餽餉之情寫其茂盛取獲之富或為酒醴以祀祖
妣或殺特牲以續古人此皆田家勤勞安逸之事而
非告神之樂歌不知何以列于頌頌所以告神明不
敢繁稱文辭惟以簡質為上
載芟良耜二詩宜列大雅

載芟載柞

音窄叶疾各切

其耕澤

音釋叶徒各切

澤千耦其耘徂隰徂

畛

音軫又音真

侯主侯伯侯亞侯旅侯彊侯以有殄

音醺他戚切

其饁

音葉于輒切

思媚其婦

房說切

有依其士

上止切

有略其耜

養里切俶

音蓄

載南畝

姚罪切

播厥百穀實函

音含

斯活

呼酷切驛

驛其達

叶陀悅切

有厭其傑厭厭其苗

從田不從由

緜緜其廩

表驕

切載穫濟濟

上聲

有實其積

上聲

萬億及秭為酒為醴烝畀

祖妣以洽百禮有飮音秘其香邦家之光有椒其馨胡考

之寧匪且有且匪今斯今振古如茲

叶增此章柞澤一韻耘畛一韻旅以

婦士招畝一韻穀活一韻達傑一韻苗庶一韻濟積
狝一韻香邦一韻馨寧今茲一韻賦也載始也刈
草曰芟除木曰柞此初墾闢而為田者故多草木澤
澤解散也草木之根既去而後所耕之土澤澤然解
散矣千耦其耘千人為耦而耘也耘除草反土之後
草木根株有芟柞不盡者則復芸之也徂往也下墜
曰隤隤田畔侯維也主家長伯長子亞仲叔旅子弟
也彊彊壯有餘力者以謂閒人今時之傭賃也言衆
力競勸無閒人也噉衆人飲食聲饁餉也思語詞媚
愛也依就也士子弟也思媚者其婦也有依者其士
也大小戮力男女同心農夫之所以有年者在此略
利也器利則入土易不甚費力故曰略倣始載事播
種也南畝百穀解見豳風七月實種子函舍也種子
皆含生氣種之即活驛置郵也驛驛言如傳遞不絕
達出土也驛驛其達言其出土連續不斷也厭飽也
謂受氣足也苗之先長為傑言其異于衆苗也苗固

有受氣足而傑出者矣已而受氣皆足無不厭厭然也絲絲軟嫩而入連續不絕也苗初華曰熙吳中稱放華曰放麋獲刈稻濟濟人衆也實所收之穀也積收貯之也十千曰萬十萬曰億數億至億曰秭為酒三句解見豐年祭有十倫其禮實繁而皆以酒行之故可以洽百禮餼其香香如餼也椒其馨香如椒也餼食之苾者椒味辛而香烈享祀豐潔太平之象國家光彩若凶荒殺禮氣象蕭索何光之有諡法彌年壽考曰胡保民耆父曰胡胡考老而有成德者其馨若椒胡考安樂也且者聊且之且今今日也匪且有且非曰聊且為之而姑有如此聊且之事匪今斯今言匪今日偶一為之而謂此特今日之事蓋自后稷以農事開國其所由來久矣按此與良耜二詩俱援古為結蓋民以食為天後世人主不知稼穡艱難故證之于古見從古到今治亂興亡歷盡變更而菽粟為民命所關到底不易故託之歌咏被之管絃以為

協和神人惟
此為第一也

良耜

序秋報社稷也

疏云崇墉櫛比室盈婦寧乃場功畢
入十月後之事而序言秋報者蓋當

秋時而預言冬獲耳此誦經以申傳後儒之病也當
以冬月為正社祭一歲凡有三月令仲春擇元日命
民社一也雩祭以社以方二也孟冬大割祠于公社
三也季彭山曰禮天子祭社稷用大牢諸侯則少牢
而已牛非豕公所宜用故此當
為王者之詩而不可列于詩也

耜

則耜良耜

養里切

倣

蓄音

載南畝

姚罪切

播厥百穀實函斯

活

呼酷切

或來瞻女

女音

載筐及筥其饌

餉音

伊黍其笠伊糾

了音九其切

其鏹

博音

斯趙

直了切

以薊

音

茶

音

蓼

音

茶蓼朽止

黍稷茂

莫口切

止獲之

挫

音

挫積之

栗栗其崇如墉其比

聲如櫛

則瑟切

以開百室百室盈止婦子寧止殺時溥

音

壯有捄

音

其角

六音

以似以續續古之人

一韻

女莒黍一

韻穀活

韻糾趙蓼一韻朽茂一韻挫栗櫛室一韻盈寧一韻
角續一韻末句不叶 賦也此詩為報社稷必陳其

農工之本末故當秋時而追述春耕預言冬獲也
畎刃利之狀或來瞻女謂婦子來饁者筐筥解見召

南采蘋載猶運也謂携之而行也五穀以黍為貴故
單言黍笠以禦暑雨糾三合繩結于領下使不動也

鐫田器所以去草趙利也薊去田草也茶蓼皆穢草
茶陸穢蓼水穢田有原有隰故並舉水陸茶蓼既朽

用以糞田既去其害又得其利故曰荼蓼朽止黍稷
茂止獲刈稻秣在獲聲也積收藏粟栗堅實之貌其
高如城垣之突屹其比如櫛齒之相次櫛理髮之器
此言稻之納于場者于是開百室而納之家家如此
故云百室也歲遭凶歉婦子曷勝惶惶百室既盈則
養老育幼俯仰無虞得以安寧矣歲豐民寧乃天下
之福皆神休之貽也敢忘報乎黃牛黑肩曰將社稷
用黝牛當以黑而用黃者蓋正禮用黝至于報功以
社是土神故用黃色而黑肩也社稷之牛角尺掾角
上曲貌以似二句祭畢而祈神之詞以似者欲求來
歲之有年亦如今歲也以續者稼穡之事國家根本
欲世世相承不絕也古之人謂后稷后稷稼穡之祖
後世所當繼續者戴芟良耜等詩大抵古之文人
見農夫勤苦秋成之殷阜感而賦此如後來詩人即
事賦詩之類不必盡為
廟堂之上祈禱而作

絲衣

序繹賓尸也

高子曰靈星之尸也 按序云繹賓尸則牲器以何時省若是周禮王者正祭

則視滌濯逆齊省饋告時告備者有宗伯在不必使士若儀禮特牲祭之前夕宗人視濯視牲厥明乃祭則士祭于已之禮非祭于公又非當日祭之禮亦何得輒用弁且遽爾揚觥祈休乎靈星農祥也農祥即龍星其左角曰天田此為歲功之領袖而以送終禮祀之亦不祥極矣此詩止言祭時趨蹕之次序燕禮之雍容蓋士助祭之禮也

絲衣其紆

孚浮切

載弁俅

音求

俅自堂徂基自羊徂牛

魚奇切

鼐及鬯

音茲津之切

兕觥其觥

音求

旨酒思柔不吳

音話

不

敖胡考之休

此章衾衾牛肱休本一韻不必以基肱叶賦也此言士之助祭始終一于敬而

有以獲福也首二句就衣服明其為士自堂二句是將祭而循禮之次兕觥三句是祭畢而謹禮之儀末句則總承之也絲衣士助祭之服以絲為之曰絲衣衾鮮潔貌載戴也爾雅注作戴弁皮弁雜記士弁而祭于公休衾恭順貌堂門堂基門塾之基門側之堂謂之塾大鼎謂之鼐小鼎謂之鼒自堂徂基是省器言其由內及外也自羊徂牛是省牲言其由小及大也鼐鼎及鼒是省燭言其由大及小也反覆展視所以致勤敬也此時主人立于基不動而自堂而下自外而內皆士代之往還有序而省循序而告周旋中禮之意兕觥解見小雅桑扈柔和也吳譁也放聲大言也敖怠肆侈放也祭未旅酬之際兕觥罰爵肱然上曲設而不用由此助祭而飲此祭酒其心柔和不亂鵠然如同鵠薦之初笑語卒獲不吳而歡

譚穆然如同奏假之思禮儀卒度不傲而倨慢肅然
如同對越之忱飲酒時恭敬如此其能恭敬以交于
神明可知宜其得壽考之休也胡考解見載芟休美
也小毖之後編入載芟良耜絲衣三章殊覺無謂
斷條
錯簡

酌

序告成大武也

按竹書武王十二年代殷禽受于南
單之臺夏四月作大武樂又云成王

九年春正月有事于太廟初用勺內則十三舞勺即
此詩也合而觀之大武之舞作于武王此時頌聲未
作樂章未備至周公制禮作樂于是作頌以與舞容
相合堂上歌詩堂下作舞而大武之樂始成故序曰
告成大武也此詩與賡般皆不
用詩中字名篇疑皆樂章之名

於鑠

音鳥

王師遵養時晦時純熙矣是用大介我龍受

之蹻蹻王之造

祖侯切一本蹻蹻王之造作蹻王之造時以時嗣師為韻韻或然

載用

有嗣

叶

實維爾公允師

賦也言武王用武惟侯乎時後王所當法其時以治其天下玩

詩以酌名酌者參酌量度也於鑠四句正是參酌之處銷金曰鑠遵養謂退自循養時晦謂與時俱晦純大熙明也甲冑曰介是用大介所謂一戎衣也言武王之師如火燎原如金在冶遇即糜爛却乃養威蓄銳盟津之會八百諸侯皆曰紂可伐矣武王曰女未知天命乃還師二年紂惡貫盈于是陳師牧野紂兵七十萬人倒戈以戰血流漂杵晦菴所謂有於鑠之師而不用退自遵養與時偕晦既純熙矣然後一戎衣而天下大定者也時純熙者商紂淫涵天地晦暝今時候已至文明大開武王應運而起酌之義如此

龍猶易之乾龍謂武王遵養用介一潛一飛是即龍也受者受命而為王造作為也易曰飛龍在天大人造也自無而有曰造蹻蹻猶矯矯言其作用不尋常也我武王因時潛見作用獨絕是以用之後世為可法載則嗣繼也爾謂嗣王公謂乘時熙以取天下者乃至公而無私也允信之固師師法也言後王繼武王惟法其乘時無私者而已張無垢曰周公沒後嗣王以武功之成由周公告其成於宗廟之歌也載用有嗣成王自謂言己之得成立而武王有繼述之人者實周公輔導教誨我我維公信從而師法之所以能克守其緒大武之成皆周公力也大抵開創之後繼述最難少康太甲紛紛多事成王幼冲即位管蔡發難遠近四起較諸夏商更為艱危自非周公內外戡寧朝夕訓導成王亦安得垂衣而治故他詩皆追頌文武而是詩兼歸美周公附錄

桓

序講武類禡

音罵

也

續序桓武志也與師祭不類續序曰桓武志大抵

按詩中語意絕

續序者依附序語敷衍成文此獨再書桓字別建一義合之于詩最為符契蓋保有三句是武王之志乃放馬歸牛後事言武王志在保士定家以答無懈之命詩人頌此以為守成者之法戒也

綏萬邦婁

屢毛鄭石經作婁力注反

豐年天命匪解

音懈

桓桓武王保

有厥士于以四方克定厥家於

音烏

昭于天皇以閒之

此章

叶韻未詳賦也此言武王保士而有天下後王當以之為法按左傳周饑克殷而年豐語云大軍之後必有凶年既綏萬邦矣又屢豐年所謂天命匪懈也天命匪懈武王亦不敢懈武成所謂列爵惟五分土

惟三建官惟賢位事惟能皆保有厥士之事保有厥士而士左右四方四方清寧則王者克定蓋王者以天下為家安危共之初無彼此之隔也大抵天下已定年穀屢登便有豐亨豫大之意武王任賢圖治孳孳急急與無懈之天命相為昭格保厥士以定四方定厥家遂君天下而代商也于以四方以字即左傳能左右之曰以皇后也間代也君臨天下而代商也徐敞弦曰厥士即殷商之臣保有即保全之意後世創業之君與其臣披霜露斬荆棘以從事于兵革既而鳥盡弓藏龍蛇之章不勝太息蓋猜忌之心熾而保全之意微矣陳寅倩曰匪解之解字不訓作懈字言大兵之後而繼以屢豐是天命固結于周而不解散也間即間隙之間一脉相承渾合無間若易姓之際一商一周判為二代所謂間也

賚

序大封于廟也

竹書武王十二年伐殷十三年薦殷于太廟遂大封諸侯廟文王廟古者

爵人必于其廟示不敢專也孔疏周公成王太平之時詩人追述其事而為此歌通篇代武王說意中事

文王既勤止我應

平聲

受之敷時

讀

繹思我徂維求定時

周之命於

音烏讀

繹思

之思思為一韻賦也此詩以大封之意徧告諸侯欲諸侯思其所

由封而師法文王也視民如傷望道未見此文王之勤也我武王自謂應宜也宜受此勤勞之心法也敷時以下敕勉諸侯就國之詞敷布時是也繹思者繼續而思不至遺忘也言我以此布告爾等者非是虛文欲爾等中心藏之時時繹思耳所繹思者何我自今以往更無他意惟求天下安寧無一夫之不獲此不獨我一人之意也乃是周家之命爾其可不思之以法我文王哉故復歎而叮嚀之曰於繹思有無限

戒勉無限屬望之意若以聲造區夏為勤勞既非文
王事殷之心而所謂繹思者只是欲諸臣知今日大
封皆是武王之恩而思繹之則淺陋甚矣按此詩
不言錫予之物并不言帶礪之盟惟以求定繹思深
長咏歎蓋詩至于頌遣詞高古命意玄遠非沈冥苦
思不能得其意之所在文章至此幾于無聲無臭矣
惟武王克商而反未及下車封祀宋祀于周廟列爵
惟五分土惟三將率之士皆封諸侯凡四百人兄弟
之國十五人姬姓之國四十人大賚于四海萬姓悅
服一說時即帝命丕時之時適當此時周室創興
以賚有功非復
商時之濫及也

般

序巡狩而祀四嶽河海也

般般旋也巡狩而徧乎四
海所謂般旋也竹書武王

十五年初狩方嶽蓋奄殷之第
四年也此亦後人追述之詞

於

音鳥

皇時周陟其高山墮

音妥

果切

山喬嶽允猶翕

許及切

河敷天之下裊

音括

蒲侯切

時之對時周之命

北詩叶韻未詳

賦也美

周室時巡之典而表其為一代維新之命也蓋太平
之極盛故周頌以此終焉於嘆聲皇美時是陟登也
墮山山之狹而長者喬嶽山之大而高者允信猶謀
翕合河山河也敷徧裊聚時是對對越命典章按柴
燔之時登高望遠山陵之高下大小悉在目中爾時
胸次真有俯視八極之意故贊之曰於乎美哉是周
家也巡守所至既登其巔山之高高下一覽而見
因觀洪流而思禹功嘆曰信哉禹之謀猶會百川而
聚諸河也萬水惟河為大故特言之敷天之下修五
禮輯五瑞合并會聚而對越予一人此乃我周之令

典誰敢有二三其心渙散之勢哉末句再提令惕然
然有深省處嗟乎秦皇巡行海內立石頌功備極誇
誕寧及此數語古樸軒昂高視千古文中子曰舜
一歲巡四嶽國不費而民不勞者兵衛少而誅求寡
也後世少兵衛則不足以防窺伺之奸寡誅求則不
足以備羈勒之費如秦始隋煬之遊可鑒矣然則奈
何觀風之使以時四出而聖天子虛心延訪于上則
不出戶知天下具庶矣乎通篇俱無韻齊魯韓三
家崔靈思集注篇末皆有於繹思句

魯頌

集傳魯少皞之墟在禹貢徐州蒙羽之野成王以封
周公長子伯禽即今襲慶東平府沂密海等州朱康
流曰成王賜周公以天子之禮樂者謂夫升歌清廟
下管象舞之類耳事雖近于僭然賜止于周公亦未

為失後世用之羣廟故孔子非之若子孫自頌其祖
臣子自頌其君請命天子為之樂章此猶作器勒盟
以揚休命豈干名犯分之事但所頌者僖公非甚盛
德恐未足以當此而夫子錄之者亦以其所歌之事
有先王禮樂教化之遺頌美之中不忘戒勉之意也
不列于風者音律固有不同魯頌不可以為風猶小
雅敬之不可以為雅也又曰古籍殘缺僖公善事無
從稽攷據左傳有事于太廟躋僖公夏父弗忌曰躋
聖賢明也然則魯人稱僖公為聖賢久矣宜其為之
頌也語云善則歸君夫子居定哀之際而讀僖公
之頌公真一代明辟故深嘉樂與而綴于周頌之後
所謂見似人者而喜也補傳曰商周二頌皆用以告
神明而魯乃稱頌時君此後世文人獻諛之嘆矣非
商周之舊也或曰以魯而厠周是猶秦穆之誓上同
湯武文侯之命參配傳說王介甫曰周頌之詞約
約所以為嚴盛德故也魯頌之詞侈侈所以為誇德

不足故也朱克升曰秦有誓而書亡魯有頌而詩絕頌之有魯亦頌之變也

駟

序頌僖公也

續序僖公能遵伯禽之法儉以足用寬以愛民務農足穀牧于坰野魯人尊之

于是季孫行父請命于周而史克作是頌僖公名申莊公子周公十世孫季孫行父即文子史魯史官

克名

駟

音局下同

駟牡馬

滿補切下同

在坰

音局下同

之野

上與切下同

薄言駟

者

掌與切下同

有駟

音聿反

有皇有驪

音離

有黃以車

彭

鋪郎切

彭思無疆思馬斯臧

賦也言牧有常地馬有異種要其所以致之者心而已駟馬腹幹肥

壯也郡縣志垺澤俗名連泉在曲阜縣東九里郊外
曰野必牧于垺野者避民居與良田也薄言者不能
盡述但略舉一二蓋誇大之詞諸侯馬有四種有良
馬有戎馬有田馬有駕馬作者因馬有四種故每章
各言其一首章言良馬朝祀所乘驪馬白跨曰驕驪
黑色跨驪間也黃白色雜毛曰皇純黑曰驪黃而兼
赤色曰黃以用也用之曳車而行也彭彭有力有容
也思無疆思之深遠臧善也衛文公秉心塞淵騄此
三千百里奚爵祿不入于心飯牛牛肥事無大小須
有深遠之慮方能成事故此詩俱以思為歸結曰斯
者無疆非專為馬而以無疆之思思及于馬則馬即
盡善譬如清泉或為酒或為羹隨其所用皆得思者
思其居處思其飲食思其勞苦思其疾病并思其性
情才力如牧之得其地司之得其人畜之不枉其性
用之不窮其力策之必盡其道鳴之必通其志皆思
之所周到而馬斯善矣李愚公曰人主一心乃萬物

之所寄命故一念之純駭即闢羣生之榮瘁然不言
心而言思者蓋思乃心所發竅之處正指其謀慮注
措言也詩原美信公之善
思而只舉一馬政以驗之

駟駟牡馬在坵之野薄言駟者有騅

音追

有駟

音不

有騂

音星

有騂以車

音伍

伍思無期思馬斯才

前西切

戎馬齊力尚彊

蒼白雜毛曰騅黃白雜毛曰駟赤黃曰騂蒼黑曰騂伍伍有力也思無期思之久也才材力也

駟駟牡馬在坵之野薄言駟者有騂

音駝

有駟

音洛

有騂

音留

有雒以車

音洛

釋思無數

音亦

思馬斯作

音做

此言田馬

齊足尚疾青驪驕曰騂白馬黑鬣曰駟駟馬之驥也赤身黑鬣曰騂黑身白鬣曰騂騂釋前後不絕也

厥倦作
奮起也

駟駟牡馬在坰之野薄言駟者有駟音遐有駟音遐有駟音遐有駟音遐

驪

音

有魚以車祛音祛思無邪子余切

思馬斯徂

此言駕馬主給

馬主給

雜使陰白雜毛曰駟形白雜毛曰駟形赤也毫駟曰
體駟者膝下之名謂毫毛在駟而白長目似魚目曰
魚祛祛強健也無邪謂得其正徂行之速也無疆無
期無數總歸于無邪無邪謂撫養調御祗供國家經
常之用無穆天子馬跡徧天下漢武帝用兵大宛之
事何黃如曰論語引此雖是斷章取義若合之駟頌
本意則人心之有思其奔逸難制猶之馬也
以無邪二字為之銜勒自有所範而不得騁

有駟

序頌僖公君臣有道也

春秋之世君以禮燕臣臣以禮祝君無長夜沉湎之事即

謂之有道此詩跌宕姚佚無復清廟肅雖之意春秋以來新聲也玩歲有有穀親賢樂利之意溢于言外

有駉

符必滿必父必三反

有駉駉彼乘黃夙夜在公

姑黃切

在公明

明叶振振鷺鷺于下

叶

鼓咽

音

咽醉言舞于胥樂兮

末句

不叶韻

興而賦也此魯侯與臣燕飲而頌禱之詞

首二章有交惟意末章有交儆意駉馬肥強貌四

馬皆黃曰乘黃在公在于公所也國家閒暇政事稍

休之時或夙而在公或夜而在公也明明謂內不喪

德外不畏儀鷺取其修潔振者鳥飛必振其羽下者

翔而集也鼓為五聲之長故獨言之咽咽鼓聲深遠

于語詞胥相也

隋樂志古之君子悲周道之衰頌

聲之輟飾鼓以鷺存其風流或曰鷺鼓精也越王句

踐擊大雷門以厭吳晉時移于建康
有雙鷺唳鼓而飛入雲中唳音稅

有駉有駉彼乘牡夙夜在公在公飲酒振振鷺鷺于

飛鼓咽咽醉言歸于胥樂兮

鷺之下也必回翔而集故曰鷺于下以象諸臣之就

燕而繼之醉言舞其飛也陟然而起故曰鷺于飛以象諸臣之罷燕而繼之醉言歸醉言舞以盡懽也醉

言歸以禮節之也

有駉有駉彼乘駟

呼縣呼
玄二反

夙夜在公在公載燕

去平
二聲

自今以始歲其有君子有

羽已

穀詒孫子

獎里

于胥樂

兮

石經歲其有下旁注一年字詒字下旁注一厥字
青驪曰駟載再也前已云醉言歸矣而復言載燕者

此豈臨行而復以卮酒相贈耶毛傳所謂君有餘惠臣有餘敬也自今以下祈禱之詞所祈禱者不過時和年豐而已有謂大有年君子謂僖公穀即五穀詒孫子言于斯倉萬斯箱子孫享之不盡古人所以頌禱其君者不過如此于胥樂兮樂之根頌在此

泮水

序頌僖公能修泮宮也

言能修其學政許魯齋以此詩為頌伯禽蓋因尚書費誓

有徂茲淮夷徐戎並興之語與詩中淮夷攸服淮夷卒獲相合且謂僖公在春秋時無甚令德此頌非伯禽不能當之耳然頌伯禽何得略周公而稱烈祖文王哉朱康流曰左傳僖公十三年會于鹹為淮夷病杞十六年會于淮為淮夷病鄆齊語桓公謂管仲曰吾欲南伐何主管仲曰以魯為主淮夷在齊之南是

伐淮夷魯主之矣又曰東南有淫亂者萊莒徐夷一戰帥服三十一國此雖齊桓之功魯必與有力焉曰淮夷攸服曰狄彼東南蓋實錄也從霸主以征伐歸而策功歆至則各自以為功此亦人情之常行父之請史克之賦知非無據而盡屬誇大者矣

思樂

音洛

泮水薄采其芹

音勤

魯侯戾止言觀其旂斯斤其

旂茂

茂音沛蒲害切傳箋石經俱作茂音佩與旂同

茂鸞聲嘖

音誨呼會切

嘖無小

無大從公于邁

興而賦也全詩魯侯修泮宮之後舉落成之祭而來飲于泮故魯人作是詩首

章將至泮宮時也

思發語詞樂哉泮水有臨流濯

纓之趣薄采微摘之也芹水蘋芹取其香士之于學

攬其芳臭而至魯侯謂僖公戾至也止語詞觀在旁之人觀之也旂交龍之旂茂茂飛揚之貌鸞車上之

鈴噦噦和也公亦指僖公邁往也國人無論長幼皆從公而往蓋學政久廢一時曠舉人情快睹之象儀衛之盛不足云美因其視學覺其茂茂焉噦噦焉與尋常之聲不同所謂聞車馬之聲有喜色也春秋孔子所作稱魯公此詩魯人所作而稱魯侯不知何故鄭箋泮宮辟廱皆學名天子曰辟廱諸侯曰泮宮辟廱者築土為堤以壅水之外使圓如壁故曰辟廱泮宮者獨南方有水其餘壅之以垣半于天子故曰泮宮楊用修曰一統志泮水其源名雲水出曲阜縣治西流至兗州府城東入泗水僖公建宮于其上因水以名宮泮宮者泮水之宮泮林者泮水之林若以泮水為半于辟廱之水將泮林半于辟廱之林乎明堂位云類宮周學也類與泮同音後儒移類就泮其以泮宮為天子之宮自白虎通始以泮宮為周世之學自康成始以泮宮為鄉射之學自許氏說文始于是泮水泮宮遂為侯學之通名矣卓去病謂孟子

言夏曰校殷曰序周曰庠學則三代共之使天子之
學名辟廱則孟子宜言之矣此篇論也但秦灰魯壁
之餘訛舛相仍已
非一日傳疑可矣

思樂泮水薄采其藻魯侯戾止其馬蹻蹻其馬

音矯居表切

蹻蹻其音昭

之繞切

昭載色載笑匪怒伊教

此已至泮宮矣

藻解見

召南采蘋藻取其潔士能洒濯自新方可以入學前
言旂是魯侯前導此言馬則魯侯親乘之而至矣蹻
舉足高步之貌其音昭昭即蕭蕭馬鳴之意載則也
色者顏之和笑者音之和此非類于荒嬉謂未始以
尊賢而簡卑賤也既曰色笑則非怒矣匪怒伊教此
時尚未教也因其色笑平易近民揣摩其易度如此
究言之則易之包蒙書之敷教在寬學記之道而弗
牽則和強而弗抑則易皆匪怒伊教之義公之循循

善誘可
見矣

思樂泮水薄采其芣

音卯叶
謨九切

魯侯戾止在泮飲酒既飲

旨酒永錫難老

魯吼切

順彼長道

徒吼切

屈此羣醜

此至泮
宮後養

老之事

茆江南謂之蓴菜茆取其味士于道義有
味方肯率教飲酒乃養老之燕人壽幾何形容易老

今飲酒而頤神養性若使之不遽老者然長道如仁
育義正之類以其道可久故曰長道順彼長道接于

飲酒之後最有妙理蓋魯自隱桓而後君民之間久
已阻隔今飲酒學宮藹然如家人父子覺元首股肱

原屬一體憤驕離叛之志不覺自屈故曰順彼長道
屈此羣醜醜類也指衆人言黃石齋曰養老之禮廢

則子弟易其父兄庶姓慢其長上驕奢薦出而叛亂
滋起章服不足以勸刑罰不足以威而天下乃亂

詩說渙而難萃曰羣愚而易悍曰醜凡刑名操切其為術也短禮教信義其為道也長順者毫無背戾之謂順道即順人心而羣醜自屈于道化之中矣

穆穆魯侯敬明其德敬慎威儀維民之則允文允武昭

假音烈祖靡有不孝自求伊祐

音戶 賦也此推原魯侯之身教穆穆美也

敬明者省察之無間敬慎者動靜之必謹內外皆善為民之所法則此即所謂順長道而屈羣醜也允信也允文不徒為粉飾之具允武不徒為耀兵之觀昭假者其明信與烈祖相契也烈祖謂周公伯禽周自文武以顯承垂佑而周公因之監二代正四國魯公伯禽守遺訓作費誓皆有文武功烈故曰烈祖祐福也人君一身國人趨向攸關而即祖宗付託所在攸既願其修德化民又願其修德格祖言實實有是文

武之德以之昭假則善繼善述靡一毫不孝處祖宗
即祐之福不求而自至矣 韓詩外傳曰望人者不

至恃人者不久故曰自求

明明魯侯克明其德既作泮宮淮夷攸服蒲北切矯矯虎

臣在泮獻馘

音國 況壁切

淑問如臯陶

夷周切

在泮獻囚

此頌作泮

官之效

先言穆穆後言明明自微而著也克能也先言敬後言克實見諸行事也作修作也春秋書新

作南門新作曰作改作亦曰作既作泮宮則受成有
地而壯猷出焉猷功有地而大義昭焉故先聲所動

便有馴其驚之勢革其強暴之意故淮夷攸服虎
臣即戰士矯強貌馘者殺之而獻其耳囚者繫之而

問其罪既有虎臣又有善問獄如臯陶者在泮受其
所獻之囚以訊之則庭中稱平庶幾無冤民矣淑問

謂以情理推詳不以刑罰迫脅或謂僖公未嘗有是功而疑此詩之妄不知此頌禱之詞冀其有是功非實事也下章仿此古之出兵受成于學及其反也釋奠于學而以詛馘告故泮水詠及之

濟濟多士克廣德心桓桓于征狄彼東南

尼心切

烝烝皇

皇不吳

音話

不揚不告于訥

音凶

在泮獻功

上章言獻馘獻

而告克矣此章則美戰士之獻功有禮也多士以行間之將士言德心愛國愛民之心也德心在魯侯而多士能充廣之故曰克廣德心下正言其克廣之心桓桓武貌于往也征率兵伐之以正其不正也狄與逖同遠也攘而遠之也東南謂淮夷將士能廣德心自然所向無敵所謂心隘則勇者亦怯心廣則怯者亦勇也烝衆皇大吳譁也揚驕貌訥訟也不告于訥言無以爭功論爵之事告于學宮者言其和也烝

然皇皇何等氣勢不吳不揚不訥何等恬靜益不以
淮夷攸服而有驕傲之意按克廣德心是不吳不
揚不告于訥之本德心不廣則為身家利害所奪從
事惟恐在前論功惟恐在後氣怯不能勝志忿而有
爭矣

角弓其觶

音求

束矢其搜

音蒐色留反

戎車孔博

从十專徒御無

數既克淮夷孔淑不逆

宜脚切

式固爾猶淮夷卒獲

黃郭切

此班師而告戒之語觶曲貌五十矢為束搜天疾
聲二句言不折一矢不費一鏃之意博大數厭也戎
車孔博言輪轅如舊徒御無數言徒者御者無厭倦
以告捷之速也淑善猶謀也淮夷向來反側既克之
後垂首從善而不為悖逆此不必戰攻但固其謀猶
則淮夷盡獲矣所謂折衝于樽俎也式固爾猶戒勉

之詞固者左右不得窺邊鄙不得測蓋深沉堅忍之意獲謂服其心既克是已事卒獲屬未然

翩彼飛鵀

吁驕切

集于泮林食我桑黹音甚懷我好音憬

音耿彼淮夷來獻其琛

救金切

元龜象齒大賂南金

興而此承

上卒獲言淮夷之服翩飛貌鵀惡聲之鳥泮林泮水之林黹桑實食我桑黹喻沐魯侯之德化懷我好音言變從來之惡聲憬覺悟而自知其不敵也琛寶也即元龜等物元龜大尺二寸龜以大者為寶象南方之獸其齒長五六尺聞雷則生花南金南方之金禹貢荆揚之州厥貢惟金三品賂贈也大賂者賂君及卿大夫也龜象南金皆南夷所貢乃繼獻琛而來者蓋搜珍剔異以致其誠不必土之所有而後獻豈非憬悟新而德化速哉修泮宮而順長道羣醜之屈服至此可謂遠也已

閔宮

序頌僖公能復周公之宇也

嚴坦叔曰閔宮止為僖公能修寢廟張大其事

而為頌禱之詞序摘詩中復周公之宇一語以題之非實事也按孔疏謂左傳文十六年季孫行父始見于經十八年史克始見于傳然則此詩之作蓋在文公之世僖公薨後也嚴氏謂觀閔宮等篇皆未有實事而願其如此如俾爾耆艾黃髮兒齒等語其為生前祝頌之詞無可疑者孔疏之言非也

閔宮有恤

音洫域反

實實枚枚赫赫姜嫄

音元

其德不回上

帝是依

叶畏

無災無害彌月不遲

陳回切

是生后稷降之百

福

筆力切

黍稷重

直龍反

穆

六直反

植

微力反

穉

訖力反

菴有

訖力反

菴有

下國

于通反

俾民稼穡有稷有黍有稻有秬

求許切

奄有下

土績

績從贊石

禹之緒

象呂切

賦也將美僖公追述遠祖上陳姜嫄后稷至于文武

太王爰及成王封建之有魯之由以為首引

詞魯公受賜之命言其所以闕扁鑰不輕啓也位清靜也

按諸侯五廟惟魯六廟公羊傳曰周公稱太廟魯公稱世室羣公稱宮然則閼宮是羣廟也詩不言太廟世室而止言宮豈其時太廟世室子孫尚爾塗墍而羣廟頽圯僖公獨修之詩人因獨頌之耶實實言梁棟椽題事事堅固枚筍也凡數物幾筍曰幾枚枚枝言廟中樂器祭器等種種完備生民述姜嫄生后稷而不及其德此是缺典此曰赫赫曰不回所以表章之也赫赫光顯也不回正直不邪曲也是依猶言眷顧不遲謂如期而生民以食為天百穀便是百福黍稷之中後熟曰重先熟曰繆菽麥之中先種曰植後

種曰穡種曰稼斂曰穡下國謂卻下土則徧天下矣
黍稷原在天壤但不知稼穡之事則委諸草莽有而
若無自后稷教民稼穡種種享其用故曰有稷有黍
有稻有秬奄有下土即指教民稼穡而言使天下之
民皆工稼穡而下土不虛是稷奄有下土也禹稷之
功相為終始禹平水土原為稼穡無稷則禹之平水
土何用故曰繼禹之
緒相繼成功謂之繼

后稷之孫實維大王居岐之陽實始翦商至于文武繼

大王之緒

象呂切

致

从久非从文

天之屆

音戒

于牧之野

掌與切

無

貳無虞上帝臨女

音汝

敦商之旅克咸厥功

補協功舊叶

居古切按古

韻中無此叶別本作克咸厥功敦商之旅或然此
推言周家自太王始盛至文武始成引起周公夾輔

之功為封魯張本大王自幽而來居岐山之陽民
歸如市商之國脉實斷于此故曰實始翦商至于文
武續大王之緒即書稱克成厥勲之謂致者使之至
也屆至也謂天命至于周蓋感格而致之故曰致天
之屆下正言續緒致天之事無貳二句武王誓師之
詞無戒之也貳攜貳虞疑慮也以臣伐君庸人不免
疑貳故於牧野陳師之際援天以慰之臨謂眷顧也
女謂從征之人紂稔惡不悛上帝眷顧女等行師必
克不必他慮也敦治也即敦琢之敦旅衆克能咸同
也十亂一心三千同德能共成其功也輔佐之臣咸
有功而周公之功為尤大故下章言
封伯禽之事字書翦齊斷也與翦同

王曰叔父建爾元子

叶子古切

俾侯于魯大啟爾宇為周室

輔乃命魯公俾侯于東錫之山川土田附庸

王成王叔父周公名

旦文王第四子建立元長也元子魯公皆指伯禽侯
以列爵言俾侯于魯為宗國主使伯子男皆出其下
字以分土言大啟爾宇謂大展其開國規模即七十
五十無與等倫為周室輔謂王朝重臣與國同休者
也山川使主其祭土田使有其賦附庸使睦其鄰如
邾如顓臾如須句皆附庸也伯禽以成王元年受
封享國四十六年
至康王十六年薨

周公之孫莊公之子

樊里切

龍旂承祀

養里切

六轡耳耳春

秋匪解

訖力切

享祀不忒皇皇后帝皇祖后稷享以騂犧

虛安虛何二切

是饗是宜

牛奇牛何二切

降福既多

章移當二切

周公皇祖

亦其福女

音汝

莊公之子謂僖公也龍旂承祀四句總言僖公有事郊廟攬轡登車之時下乃分

言之皇皇后帝七句言祀郊秋而戴嘗八句言祀廟
俾爾熾而昌等句言祭而受福 周禮司常日月為
常王建之蛟龍為旂諸侯建之僖公雖僭郊禮而猶
以龍旂承祀不建大常猶不敢全僭天子之禮也明
堂位乃曰建日月之常則過矣六轡解見秦風駟鐵
耳耳言其柔順也匪解因時循禮奉行惟謹也不忒
禮文禮物合于故典也享進也駢赤色犧純也謂赤
色之純者饗歆其物宜享而安之也神來感格而心
無怨恫則不特天與之福周公皇祖亦福女矣上皇
祖后稷指后稷為皇祖下周公皇祖又另指魯公伯
禽為皇祖也

秋而戴嘗夏而福

福音衡

白牡騂剛犧尊將

七羊切

將毛

魚

音庀

戴

音葵

抗

音邊

豆大房萬舞

音洋

孝孫有慶

祛羊切

羊

俾爾熾而昌俾爾壽而臧保彼東方魯邦是常不虧不

崩不震不騰三壽作朋如岡如陵載始也嘗嘗其味也新穀初升故曰載嘗

秋嘗祭于秋夏則養牲先時而豫備也福設于角衡設于鼻防其舐觸而傷角也白牡謂羊之白者駢剛謂牛之赤者以牛為剛不可曉公羊傳曰周公用白牡魯公用駢剛不知何意犧尊尊作牛形鑿其背以受酒者將者奉持之義將將見其非一尊也毛魚爛去其毛而魚之載謂切肉載羹切肉以為羹肉汁之有菜和者也籩豆以盛穀核大房以載牲體大房半體之俎房謂足下跗也上下兩間有似于房故曰大房萬舞千舞也文武二舞之總名熾火盛也昌日光也壽而臧既壽且康矣不虧如日之常盈不崩如山之常固言土地無侵削也不震如地之常靜不騰如水之常平言人心無動搖也三壽者上壽百中壽八

十下壽六十殆漢之所謂三老朋友作朋相與為友同心一德而無忤也晉姜肱銘曰保其子孫三壽是利三壽蓋古有此語先儒以為三御非也如岡如陵言其壽以漸而高既如岡又如陵也明堂位所言魯世祀周公以天子之禮樂者不過牲用純牲烝用全烝樂用宮縣舞用八佾以天子所以祭其祖者用之周公之廟耳祭統所言大嘗禘者亦不過于嘗祭之時倣天子禘祭之禮故名之大嘗禘而此詩亦止言秋而載嘗非謂魯有大嘗又有禘也故當日成王賜之不為濫魯公受之不為僭至于禘嘗郊稷祀天配祖一一用天子之制皆因周室不綱因緣僭越未可歸罪于貽謀之不臧也何黃如曰自魯惠公使宰讓請郊廟之禮于天子桓王使宰角往魯止之至僖公始有郊祀而詩人頌之則其不賜自成王而僭自僖公明矣按孔穎達著左傳正義于隱元年春王正月傳下云魯僖公之時周王歲二月東巡狩至

于岱宗柴季孫行父為之請于周太史克為之作頌
此說必有所本今考僖公之時在周則惠王襄王而
二王俱未嘗東巡惟僖公二十八年襄王有狩于河
陽之事而僖公朝于王所正在春秋四卜郊之先乃
知行父之請正在此時以僖公數從伯討向為望國
又謹守臣節朝于王所當亦襄王所深嘉者故攀附
晉文請隧之事因緣惠公前朝之請且小變其說曰
我不敢求長至之郊以上擬天子但得行祈殺之郊
畧表異于諸國而已宜襄王重違其意而曲徇之也
春秋魯僖公三十二年四月四卜郊不從乃免牲
夫以四月之時而卜郊已非禮矣卜至于四尤為非
禮安在其為春秋匪懈安在其為饗祀不忒也詩人
之意大抵主于誇誕耳詩說魯祀周公以王禮故
從殷之白以比于宋別其嫌也祀魯公以侯禮則從
周所尚以遵乎
時謹其度也

公車千乘

神陵切

朱英綠滕

音騰

二矛重

平聲

弓

始弘切

公徒三

萬貝冑朱綬

音侵叶
息陵切

烝徒增增戎狄是膺荆舒是懲則

莫我敢承俾爾昌而熾俾爾壽而富

方味切

黃髮台背壽

胥與試俾爾昌而大俾爾耆而艾萬有千歲眉壽無有

害

假憇切

大國之賦十井出車一乘諸侯方百里提

封萬井共得千乘故曰公車千乘每乘三十人千乘共得三萬人故曰公徒三萬諸侯在本國稱公故曰公車曰公徒草木之華曰英朱英以朱羽為之懸于矛之上勾以為飾也滕繩也所以束弓而漆之以綠

矛首矛也矛植之于車弓納之于轡二矛重弓備折

壞也冑謂兜鍪以貝為之飾綬綬也朱綬以綬之亦

者連綴其甲烝進也增增衆也烝徒之衆又有增益

于公徒之外者則重車之卒是也西戎北狄蠻夷之
通稱荆楚國舒羣舒楚之與國也彼入寇而我當之
謂之膺我伐彼而彼畏之謂之懲我既不避彼又不
來便是莫敢當也有此武功是為善繼善述而感格
祖考為有本矣故祭而神降之福昌熾前已見富是
年富之富謂來日尚多也黃髮老人髮白而又黃也
台背背皺如鮐魚皮鮐音臺胥皆試用也壽考者相
與為公用蓋不特三壽作朋而已所用皆老成人也
昌而大明之極也八十曰耆艾髮蒼白色如艾也眉
壽秀眉亦壽徵也無有害言雖千萬歲而眉壽之容
毫無傷損也春秋有舒蓼舒庸舒鳩舒蓼在南直
隸壽州舒庸在舒城舒鳩在巢縣此詩吳幼清金
仁山以為中多錯簡紛紛易置愚以為不必大為更
張惟以公車千乘九句繫於土田附庸之下俾爾昌
而熾八句繫於周公皇祖亦其福女之下與俾爾熾
而昌數句相對一是祀郊而頌一是祀廟而頌以類

相從則氣脉聯
貫章法整齊矣

泰山巖巖魯邦所詹奄有龜蒙遂荒大東至于海邦

悲上

切淮夷來同莫不率從魯侯之功

此與下章反覆其詞專以擴充土字為說

乃受福之大者 泰山龜蒙魯境內名山巖巖嶽崎
高大貌詹瞻仰也 泰山為魯之望奄覆也以氣勢臨
其上而有之也 荒治也 周頌太王荒之即此荒字大
東極東之國海邦濱海之邦來同莫有異志也 率從
謂心悅誠服相率而從
于中國也 魯侯謂僖公

保有鳧繹

弋灼切

遂荒徐宅

達各切

至于海邦淮夷蠻貊

莫博

切及彼南夷莫不率從莫敢不諾魯侯是若

鳧繹亦魯境內名山

繹即嶧山北面屬魯南面屬鄒古邾國邾本魯附庸此言保有鳧繹者謂能保其附庸之國不為強大吞併則不獨奄有龜蒙而已徐宅即宣王所伐之徐國奄有龜蒙遂荒大東保有鳧繹遂荒徐宅先安內而後攘外也大東之海邦如萊牟之類徐宅之海邦如邾莒之類皆與淮夷相近蠻貊又自淮夷而推廣之南夷謂荆楚諸應詞莫敢不諾有命則莫敢不應惟魯侯是順若順也泰山在今泰安州龜山在今泗水縣蒙山在今沂州費縣鳧山繹山在今鄒縣俱隸山東

天錫公純嘏

果五切

眉壽保魯居常與許復周公之宇魯

侯燕喜今妻壽母

滿彼切

宜大夫庶士

上聲邦國是有

既多受祉黃髮兒

音倪反

齒

此申言后帝之降福攷獨提出一天字天不獨使公

守成而欲公恢復以享邦家之慶錫賜也純嘏解
見周頌載見人惟壽可以享福故以壽始終之也黃
泰泉謂入春秋以來隱及于鍾巫桓乘于彭生般弑
于圉榮閔戕于卜斷弑逆踵繼其來久矣此詩惓惓
以壽考為言欲其以覆車為戒故曰眉壽保魯天子
有事明堂故錫以朝宿之常邑天子有事東省故賜
以朝宿之許田常見侵于齊許見易于鄭居字正見
復周公之字也復字則不改啟字之舊矣燕安也今
善也今妻謂聲姜壽母謂成風宜即宜兄宜弟之宜
有即自今以始歲其有之有妻賢母壽卿士咸宜和
氣所感年豐穀熟自然之理蓋未有舍五穀而別言
祥瑞者黃髮解已見兒齒更生之齒皆壽徵也燕喜
四句蓋言開疆拓土之後備具邦家樂事而壽又有
以享之所以為純嘏鄭箋常作嘗在薛之旁春秋
莊三十一年築臺於薛恬地志許昌縣有魯城周公
廟在焉朱康流曰齊語桓公南伐以魯為主反其

侵地堂潛管子作常潛是常復在僖公之時春秋桓元年鄭伯以壁假許田穀梁傳曰無田則無許可知矣不言許不與許也范甯註云明止以許之田與鄭不與許邑也是許邑猶在于魯周公之別廟在焉或久廢之後僖公復飭理之故曰復也

徂來之松新甫之柏

通莫切

是斷

短音

是度

鐸音

是尋

是尺

敕約

反

松桷

音角

有舄

七約切

路寢孔碩

新廟奕

弋灼反

奕奕斯所

作孔曼

音萬

且碩

常約反

萬民是若

此申言修廟之事

統志徂來在濟南府泰

一

安州後魏志魯郡汶陽縣有新甫山即今汶上縣斷者以刀鋸截於所生之處度者以繩墨量其所用之宜十寸為尺八尺為尋是尋度取其長是尺不棄其短桷者方椽也舄方貌即足所著之舄椽之方似之

路寢正寢曼體材之長碩規模之大新廟新作之廟
蓋修廟是因其規模而鼎新之非但補葺之而已也
奕奕巍煥也奚斯公子魚之字作者教護屬功課章
程也既云路寢孔碩矣又云孔曼且碩言工役之繁
勞民傷財宜不得民心而民無咨怨周公以後魯之
羣公德澤深厚民莫不被其澤欲廟貌之新也若順
也嚴坦叔曰新廟或以為閔公廟或以為姜源廟皆
不可知或以為新作或以為修舊然春秋不書則知
非大工役修舊之說得之歐陽永叔曰按春秋僖
公在位三十三年伐邾者四敗莒滅項者各一此魯
自用兵也其四年伐楚侵陳六年伐鄭是時齊桓公
方稱霸主兵率諸侯之師而魯亦與焉耳二十八年
圍許是時晉文公方稱伯主兵率諸侯而魯亦與焉
耳十五年楚伐徐魯救徐而徐敗十八年宋伐齊魯
救齊而齊敗二十六年齊人侵伐魯鄙魯乞師于楚
楚為伐齊取穀春秋所記僖公之兵止于是矣其自

主兵所伐邾莒項皆小國雖能滅項反見執于齊其所伐大國皆齊晉主兵其有所救者皆力不能勝而輒敗由是言之魯非強國可知也焉有膺我狄懲荆舒蠻夷率從如詩人所頌者乎蓋誇誣之詞也李寶之曰僖公在位三十三年實為魯之賢君當其初歲內用公子友外則堅事齊桓故能去慶父之奸使魯國危而復安自十六年季友卒後臧文仲竊位公子遂專權如滅項會楚之失備見于經向非晉文肇造一戰勝楚則中原左衽之禍僖公得追其罪哉先儒曰棄夏盟而即楚則有從狄之非先晉獻而後周則無敬君之節須句之功不足掩井陘之辱取穀之師不足洗至鄆之陋此僖之不得為賢侯也況季友受費而季孫氏始公孫茲帥師而叔孫氏始公孫敖帥師而孟孫氏始三桓之基皆肇于僖公則僖公亦罪之魁哉楊川修曰以春秋考之僖公乃齊襄衛靈之流耳觀其滅項伐邾取須句取訾婁取濟西田

以楚伐齊皆惡之大者至其閨門不肅及夫人姜氏
會齊侯于陽穀其女季姬遇鄆子于防淫風流行如
此桑中大車不作于魯而駟與有駝猶以為頌吾誰
欺欺天乎夫子存魯頌見上下相蒙好諛崇邪而非
以為美也 丁氏奉曰編魯頌者亦有序乎首言駟
馬見國富也富然後知禮故以有駝言燕禮夫禮必
由文教故繼以泮水有文必有武故泮水又言武備
服淮夷而有國之事畢矣然所以有國者祖宗也故
推本之而以
閔宮終焉

商頌

集傳商都亳宋都商丘皆在今應天府亳州界武王
既黜殷命封微子于宋即今河南歸德府商丘縣自
微子至戴公凡七世禮樂廢壞有正考甫者得商頌
十二篇于周太師以那為首今僅存其五不知是遺

逸抑孔子刪之也

契為司徒敬敷五教于古人倫

之宗孔子契之裔孫刪述六經千古斯文之主魯頌

後繼之以商

意深遠矣

那

序祀成湯也

竹書太甲十年大享于太廟此詩之作或在此時

猗伊與

音余下同那

奴何切與置我靴

桃音鼓奏鼓簡簡衍我烈

祖湯孫奏假綏我思成靴鼓淵淵

叶英嘒嘒管聲既和

且平依我磬聲於

音赫湯孫

叶思反穆穆厥聲庸鼓有數

萬舞有奕

音亦我有嘉客亦不夷懌自古在昔先民有作

溫恭朝夕執事有恪顧予烝嘗湯孫之將

即良切 賦也商人尚聲

臭味未成滌盥其聲樂三闋然後出迎牲故篇中俱言樂猗歎美之詞那多也美商之樂歎而多之也置陳設也鞀鼓已見周頌有聲非俗所云有兩耳之小鼓也正北之坎為革則鼓為冬至之音而冒以啟蟄之日其聲象雷其形象天其于樂象君五聲不得鼓則不和故屢以鼓言之字書簡要也選也言鼓音整飭辨而不亂約而不雜衍樂也烈祖指成湯也湯孫主祀之時王奏格奏樂以感格綏安也我主祭者自謂綏我思成言未祭而有所思既祭而若有形聲之可接則我所思者于是乎成而心由之以安矣于是鞀管作于堂下淵淵言其聲之深遠嘒嘒言其聲之清亮鼓為衆音之長管竹音為樂之小者舉此二者則餘樂在其中矣彼此相濟曰和高下適均曰平即虞典所云八音克諧無相奪倫也磬玉磬八音中有

石無玉玉即石之嘉者禹貢所謂泗濱浮磬也依倚也堂下之樂依堂上玉磬之聲益八音以磬為主玉磬聲之最和平者衆音依之則無不和平矣赫者如在之誠穆穆深遠也樂宣於聲而曰穆穆者以其象湯功德文至而情深也大鐘曰庸鼓列東序鐘列西序庸鼓有數言庸與鼓皆有次第也萬舞名禹以萬人治水湯武以萬人治天下故三代之舞皆稱萬數以清濁高下言奕以綴兆疾徐言有此誠方有此樂故曰有數曰有奕謂其中誠有之也嘉客聞之有不夷憚者乎嘉客謂諸侯助祭者夷憚怡悅也亦字從格神來言非惟幽有以感烈祖而明亦有以感人也自古謂古已後者在昔謂今已前者先民先輩之人作始作祭禮推言相傳之遠不可苟也溫恭溫溫其恭非勉強也朝夕自始至終不少間也事廟中之事執事奉持其事恪敬也心實有是敬則所事皆實音樂皆其流貫上云思成云夷憚全有一段精誠感格

故曰有恪顧謂鬼神鑒臨冬祭曰烝秋祭曰嘗將奉也蓋尊祖敬宗萬世通義今日湯孫之祭亦猶行古之道耳先王其肯顧予而享之乎此湯孫之將也祖考子孫精神感格非祀以非類者庶幾其顧之矣詩中三言湯孫蓋以祖孫一體望之記曰齋之日思其居處思其笑語思其志意思其所樂思其所嗜齋三日乃見其所為齋者祭之日入室儼然必有見乎其位出戶愾然必有聞乎其聲是謂思成蘇子由曰其所見所聞本非有也生於思耳

烈祖

序祀中宗也

名密號大戊湯之玄孫中興之主故稱宗竹書注又云大戊稱太宗祖乙名滕

稱中宗

嗟嗟烈祖有秩斯祜

音戶

申錫無疆及爾斯所

蘇聲

既載

清酤

音戶

賚我思成

叶常

亦有和羹

叶郎

既戒既平

叶旁

醴音庸奏

秦假音格

無言

叶昂

時靡有爭

叶章

綏我眉壽黃耆無疆

賦也嗟

歎美之詞烈祖謂成湯言其躋敬昭武功德甚隆所以可大者垂之可久毛傳秩从禾形也从失聲也稻刈重生後先相繼故借為秩序字言福之來有次序而不紊今無疆之錫及於爾之身矣申錫一傳再傳引申弗替爾謂中宗思文之詩頌后稷稱爾此詩頌中宗亦可稱爾斯所猶言此處載奠也酒之好惡繫於災祥釀酒之時多方料理願其甘旨今酒清而載之於尊則遂我之願是皆神所賜也故曰賚我思成賚賜也凡祭以羹熟為節羹定然後行禮故既言酒亦言羹和者鹽梅有節戒者浣濯必謹平者腥熟得

宜醴當依中庸作奏假與格通時謂祭之時無言靡
爭廟中之人恪恭厥職不煩諠譁亦無紛擾神之綏
我以眉壽黃耇不待言矣祭時亦有何爭謂執事之
人越位而干與他人之事如云越俎代庖本宜執酒
而反執羹之類眉壽黃耇解俱見前
福以壽為先壽無疆即福無疆矣

約軹

音錯衡

叶杭

八鸞鷁鷁

音鷁

以假

音格

以享

虛良切

我受命溥

音普從浦從寸俗从專非

將自天降康

丘剛切

豐年穰穰

如羊切

切來假來饗

虛良切

降福無疆顧予烝嘗湯孫之將

上言主祭

此言助祭通鑑前編中宗之兄雍已在位三祀諸侯
不朝故此以諸侯助祭為中宗頌
軹者長轂之名
約者以皮纏束而朱漆之取其固也車軹曰衡錯者
塗金于衡以飾觀取其文也鸞在鑣四馬則八鸞鷁

即黃鳥其音和好鸞聲似之故云鶴鶴假以盡誠享以盡物以假以享者諸侯既至而助祭也我助祭者自謂受命受主祭者之命溥大將奉康安也年豐則民安故以豐年為降康穰穰穀茂盛之貌以假以享謂助祭者故曰以來假來饗謂祖考故曰來我受命溥將七句述助祭者祝頌之語以見人心之歸戴也助祭者自言我受王命而大奉其國之所有以助祭由天降康時和年豐則禮物極獻享之隆孝敬合天下之大祖考格饗降以無疆之福人心天意轉合如此神其肯顧予乎凡此祭祀非我之力乃湯孫之將也予助祭者自謂湯孫謂主祭者申錫無疆則前日之福及于今降福無疆則今日之福及于後前湯孫之將指作樂以奏格此湯孫指合天人而假享也

玄鳥

序祀高宗也

高宗殷王武丁中宗玄孫之孫也亦中興之主故稱宗或疑既祀高宗不宜稱

武丁以斥其名不知湯名履別稱天乙高宗名昭別稱武丁商之稱武丁猶周之稱王季也

天命玄

胡涓切

鳥降而生商

尸羊切

宅殷土芒

謨郎切

芒古帝

命武湯正域彼四方方命厥后奄有九有

羽已切

賦

先述祖德謂其能中興不墜也此首章述其肇基之事玄鳥燕也其色黑故謂之玄鳥春分玄鳥降其

來主字乳故古以其至之日祀郊禘祈于湯之先祖有娥氏女簡狄配帝高辛氏帝率之祈于郊禘而生

契故本其為天所命以玄鳥至而生焉不曰生契而曰生商謂商家一代之天下已開闢于此自契至湯

八遷始居亳之殷地而國日以廣大芒芒廣大貌古猶云昔也帝天也湯布昭聖武故號武湯當桀之時

封城割據久矣天命之除殘暴使強不侵弱衆不暴寡豈齊四方然後命之為后而奄有九州原其始之慎重如此見有天下之不易也方字即然後語氣奄覆也九有九州也契封于商今為陝西西安府之商州湯居亳殷者亳之別名商家五遷之後盤庚復遷于此今為河南之河南府偃師縣其地有湯陵伊尹墓湯以商為國號盤庚遷殷改國號曰殷其後或稱商或稱殷或殷商並稱故章首並言之以該括一代之終始契初封商傳五世而冥生振振字子亥實始遷殷為有易之君綿臣所殺國統幾絕振生微字上甲乃殺綿臣而以殷興仍居殷地復昌殷緒魯語所謂上甲微能帥契者也商人報焉又六世而天乙是為成湯是時復歸于商丘故湯興為商其後盤庚遷都殷更號殷

商之先后受命不死

養里切

在武丁孫子

樊里切

武丁孫子

此子字
不叶
武王靡不勝
升音龍旂十乘大禋
熾音是永邦畿
奇音

千里惟民所止
肇域彼四海
喜叶四海來假
格音來假祁
祈石

經作祁
其加反
祁景員維河
切何加
殷讀受命咸宜
尼加
百祿是

何
音荷叶何加切
此言武丁續緒之事并言殷地形
勢之厚不宜遷徙
先后武王皆謂湯也史記湯伐

桀作湯誓曰予甚武因自號武王
旂解見前十乘二
王後及八州之大國周之二王謂夏商之後商之二

王謂虞夏之後大禋黍稷也是承諸侯奉黍稷以助
祭也邦畿王都境內之地肇始也殷道秉四夷來侵

四海不全為殷有至高宗始以四海為界而四海俱
在疆域之中也假至也祈祈衆多也景山名員幅員

景之幅員惟河最大河黃河何荷也湯既受命而後
中葉不至危殆者其責實在武丁孫子在之一字為

先后屬望之詞武丁不負所託武王志事靡不以身承之侯甸邦畿靡有攜貳蓋侯伯臣民之領袖京邑諸夏之根本諸侯助祭畿民莫安則居重馭輕四海入我版章再造之功與開創等矣此時生齒繁行來處於京師甚衆且多者蓋以殷地之名山大川湯建都于此實興王根本之地故頌殷地之美曰受命咸宜曰百祿是何見氣脉渾厚國祚悠長王居之壯無以易此子孫其可不世守哉按仲丁遷囂而後遷相遷耿遷邢訖無寧歲盤庚鑿于前轍遷拂俗議毅然歸先王故都從此百數十年並無遭徙之事可見先王定都為計深遠迨武乙遷河北遷沫遂為亡國之墟矣詩人之言蓋有見也補傳景山以大而得名商故都也案宇記景山在應天府楚丘縣北三十里宋之應天即今歸德府府東南有亳城即景亳春秋傳所謂湯有景亳之命是也嚴坦叔曰今考自湯至盤庚凡五遷湯遷亳仲丁遷囂河亶甲居相相乙

遷耿盤庚又遷亳亳囂皆在河南相耿皆在河北自盤庚之後傳三世至武丁又傳四世至庚下凡八世皆居亳庚丁之子武乙始去亳徙河北此詩所言河正指亳也亳有三蒙為北亳穀熟為南亳偃師為西亳湯自南亳遷西亳盤庚所遷即西亳偃師是也盤庚遷都為商室再造之主尚書備載其辭而詩無專詠者正考父得商頌十二篇僅存其五蓋不待秦火而亡失者多矣

長發

序大禘也

商家之業肇于契擴于相土成于湯而佐湯者則伊尹也故上六章歷序羣后以德

受命之事末言伊尹佐命之功蓋禘祭羣后而以伊尹配享成湯也何黃如曰禘之名義有三一曰時禘春曰初夏曰禘秋曰嘗冬曰烝此夏殷之禮也及周改春曰祠夏曰禘曰祫而以禘為殷祭則時禘之名至

周而廢矣一曰吉禘謂喪畢即吉而致新死之主於太廟生時有慶集之歡死應備合食之禮若竹書之吉禘于先王左傳襄十六年晉人言寡君之未禘祀是也一曰大禘爾雅以為大祭禮大傳謂不王不禘王者禘其祖所自出而以其祖配之也按相傳之說謂祖所自出者如商周以稷契為始祖而稷契所自出則嚳也今詩止頌玄王而無一語及帝嚳考諸詩書亦並無祀帝嚳之文則周之子孫以文王為始祖而後稷為始祖所自出蓋祖原不止一人其化侯為王化家為國者則為始祖而賜姓建國之主則為始祖所自出何其明白正大而故為此悠謬之說也通鑑前編曰玄鳥之頌推原契之受封有國是開有商一代之基者契也故湯有天下以契為始封之祖而追稱玄王未嘗言其為帝嚳之子也豈以太史克有高辛氏才子之言傳者有殷人禘嚳之說遂傳會之與又

曰按史記稱姜嫄帝嚳元妃蘇氏古史因之遂以稷為嚳子夫嫄果元妃何嫌于不夫而棄其子稷果嚳元妃之子何為舍嫡不立而別立摯又立堯周郊太祖何為祖稷而不祖嚳周祀姜源何為舍祖而獨祀妣命禹治水時堯之年已七十餘矣而禹猶暨稷嚳之遺嫡何其少堯之嫡兄弟何其賢勞也堯有嫡兄弟不能立又不能舉待舜而後舉之則堯何足以為堯乎鄭康成謂姜嫄為高辛氏世胄之妃足以正史記之謬矣

濬音峻哲維商長發其祥洪水芒芒禹敷

音孚从甫从方

下土

句

方外大國是疆幅隕音隕既長有娥

音松

方將帝立子生

商

賦也首二章追述契受命之自聖賢套語與契無涉須于契身上親

按舊解濬哲字是切理會尚書禹

隨山濬川濬開導也字書哲明也親義序別信人
與知所謂哲也洪荒之世覺性未開有如鹿豕契提
撕警覺方纔曉得君臣當敬父子當親孟子所謂先
知覺後知先覺覺後覺也萬古悟門惟契一人開闢
故曰濬哲維商此是發祥根本長發言其發之悠遠
人倫千古不替則祥亦千古不替也數分也禹貢言
禹敷土蓋分別土地以為九州也下土即九州之土
方外對京師言諸夏為方外也疆者正其經界直言
之曰幅周言之曰隕長廣也此二句言敷土之事有
娥契母家之氏將大也方將其勢方向乎昌大也從
禹平水土說來見地平天成方有此人闢像不小舜
命契為司徒賜姓子氏封于商不曰生契而曰生商
者契受一國之封王業已基于此蓋應運而生者也
左傳天子命德因生以賜姓胙之土而命之氏蓋古
之姓不輕立也史記桀敗于有娥
之墟有娥當在蒲州宋之河中府

玄王桓撥

切必烈

受小國是達

他悅反下同

受大國是達率履

不越遂視既發

反方月

相土

切息亮

烈烈海外有截

國語玄王勤商

十四世而興玄王謂契也親屬微遠謂之玄稱契為
玄王亦猶曾孫之下為玄孫蓋以其為遠祖而尊之
為玄王也曰王者猶書云昔我先王后稷我先王不
窋以其王之祖故呼王非追號為王也諡法克敬勤
民曰桓桓撥即撥亂之撥當時混沌未鑿顓蒙未開非
撥動其機關不可契為司徒受堯之命大小諸國悉
令教誨故曰受小國大國達即達道之達惟此五倫
人人與知與能更無阻礙孟子所謂達諸天下者也
契於小國大國只以此件教人更無他事故曰小國
是達大國是達此言契教百姓之事下則言百姓受
教之事履即蹈履之履率履不越百姓率而履之更
無踰越遂視既發者屯蒙之世禽行獸息無所知覺

率履之後民始知君臣之當敬父子之當親如向來
瞻瞻今始觀天日故曰視向來遏抑今始開闢故曰
發遂既者速化之詞相土昭明之子契之孫也烈烈
威貌竹書帝相十五年商侯相土作乘馬之法乘馬
即甸賦也統六軍之衆因井田而制軍賦乘馬之法
既行則兵威大振海外蠻夷各守界限截然整齊不
敢窺伺故曰有截契始封商至相土遷于閼伯之墟
以主大火然後湯以亳興其地即在商丘東南是開
商基者契而開興王之基者相土故商人祀
契為始祖而其次即祀相土為不遷之宗焉

帝命不違

毛詩古音
致違音怡

至于湯齊湯降不遲聖敬日躋

子

切昭假音遲遲上帝是祗音帝命式于九圍

此言湯之
修德受命

違去也說文齊禾麥吐穗上平也降生也不遲適
當其時也躋升也遲遲久也祗敬式法九圍九州也

自商之先祖既有明德天命未嘗去之至湯而天命
人適相符合故曰齊其生也正帝癸終惡之時天命
欲移之際應期而降適當其會故曰不遲敬是湯一
生學問日躋即日新又新之意遲遲悠久精神凝注
惟上帝是祇更無他念既當此時而得天人會合之
機又有此敬以致天人交與之妙故受命立極為法
于天下真
非偶然也

受小球

音求

大球為下國綴

張衛切

旒

音何

天之休

不競不綈

音求

不剛不柔敷政優優百祿是遒

子由反此與下章

一言

諸侯

通聘問

一言

諸侯

從征伐

皆所謂

式于九

圓也

球玉也

諸侯朝于天子必執玉以為信也

綴

猶結也

旒旌旗之垂者

結定其心如旌旗之于旒然

蓋受大國小國之球即書所云輯五瑞使諸侯心繫

焉

焉

焉

焉

焉

焉

焉

焉

焉

焉

焉

焉

焉

焉

焉

焉

天子乃所以固結之也。小球大球雖曰人事實出天意。故曰何天之休何承受也。競爭綵急也。敷分布也。優優和也。百祿百官也。道健動也。蒙上天之福不爭競不急躁不剛猛不柔弱優優然陳其政教百官皆盡心竭力供其職事不敢急荒非甚盛德何以致此。

受小共大共

拱叶

為下國駿厖

莫孔切齊詩作駟

何天之龍

大戴禮作

罷

敷奏其勇

从角

不震不動

董叶

不難

音

不竦

小勇切

百祿

是總

子孔切

共貢也

小共大共謂湯將征伐四方受

謂馬也與上綴旒對皆借物為喻。綴旒以一人而聯屬諸侯謂總攝得他來駿駟以一人而負荷諸侯謂承載得他起龍龍也。震震驚動騷動也。震動有張皇錯愕意。難面慚而色赤竦驚怖而竦立也。難竦有

惴懼疑蒞意聖人行師代天行事雖以臣伐君宇宙未有人情所駭彼直蕩蕩然不疑不沮如日用常事相似有何周章有何退縮總聚而使之萃也兩百福非指福祿謂百官之有爵祿者湯布政敷勇一以和平養天下之福一以整肅作天下之威凡食祿之人急於起事不敢怠弛故曰是道有所統攝不致渙散故曰是總上章是文事故以綴旒喻此章是武功故以駿龐喻古人設喻恰當如此政云敷政勇云敷奏皆當周布而使之徧也

武王載旆

旆石經
从市

有虔秉鉞如火烈烈則莫我敢曷

音遏

苞有三蘂

五竭切

莫遂莫達

他悅切

九有有截韋顧既伐

越房

切 昆吾夏桀

此言伐商之事上四句言恭行天討有不可遏之勢下言行師有序有不得已之心

武王湯也旆旂也載載之于車虔虎行貌言其勇也
秉持也鉞大斧曷者誰何之謂志在除暴如火之烈
誰敢當之苞本也藥旁生萌藥也一本生三藥本則
夏桀藥則韋也顧也昆吾也莫遂者不肆其惡莫達
者不行其志于是九州截然一歸于湯湯先伐韋顧
次伐昆吾與夏桀同時就戮蓋剪其枝葉而後鋤其
本根也竹書桀二十八年昆吾氏伐商商會諸侯
于景亳遂征韋商師取韋遂征顧二十九年商師取
顧三十年商師取昆吾三十一年商自陟征夏邑克
昆吾大雷雨戰于鳴條夏師敗績桀出奔三朶戰于
郎獲桀于焦門放之于南巢一統志直隸大名府
滑縣古豕韋氏之國顧城在山東東昌府濮州范縣
濮州古顓頊之墟曰帝丘夏為昆吾氏所居桀都安
邑即今山西平陽府解州安邑縣縣北二十里有鳴
條岡韋豕韋彭姓顧昆吾己姓鄭語韋顧昆
吾祝融之後孔疏昆吾以乙卯日與桀同誅

昔在中葉

葉石經作葉

有震且業

魚怯切

允也天子

獎里切

降子

于石經

卿士

鉏里切

實維阿

於何切

衡

叶杭

實左

音佐

右

音佑商王

此言伊尹之功業世也仲虺之誥曰肇我邦于有夏若苗之有莠若粟之有秕小大戰戰固不懼于非辜此所謂震業也震懼也以國勢不定言業危也以人心不安言允也天子猶云真命天子言應聖人之期備聖人之德也降于卿士謂屈已以下伊尹孟子所謂學而後臣也阿倚衡平也伊尹湯所依倚而取平故以為官名實者實實如此非誇誕非佞譽也伊尹之功如此則今日配享之禮不容不舉矣禘于太廟則功臣與祭與祭必非一臣而此獨言伊尹者伊尹為開國元勳故獨言之也何休云禘所以異於裕者功臣皆祭也詩曰實維阿衡實左右商王正頌功臣之詞也盤庚云古我先王暨乃祖乃父胥及逸勤

茲予大享于先王爾祖其從與享之
然則此詩之作在盤庚大享時矣

殷武

序祀高宗也

史記武丁崩子祖庚立祖己嘉武丁之
以祥雉為德立其廟為高宗是詩末章

咏作室而曰寢成孔安蓋廟成而作詩以祀之也
高宗廟在河南開封府鄆陵縣陵在西華縣祖己武

丁時
臣

撻彼

讀

殷武奮

方問切从田
俗从臼非

伐荆楚采

音彌又面規切
从一从采與采

異入其阻裒

蒲侯切

荆之旅有截其所湯孫之緒

象呂切
賦也

此序伐楚之事字書撻擊打也不用屠戮即孟子制
挺以撻之意彼即指荆楚謂鞭驅戎狄乃殷王之威

武也奮伐者卓然果斷人不及謀發不及距也武丁
恭默思道詩不此之頌而惟張皇其威武者殷自盤
庚之後國勢漸弱強蕃猾夏若更含容姑待愈陵夷
不振矣故曰奮伐明其果斷神速兵不留行之象荆
楚荊州之楚也說文采周也深也蓋深入周布之義
阻險阻也荆楚左控江陵右握黔中南負蒼梧北依
涇塞險阻之國也哀聚旅衆也荆楚僞勇輕悍恃其
險阻征之則鳥舉雲散今惟擣其巢穴令彼逃聚一
隅華夷之界截然不至蔓延故曰果入其阻哀荆之
旅有截其所湯孫謂高宗不曰湯孫之功而曰湯孫
之緒蓋荊楚小醜指揮而定在湯孫不過德業之緒
猶言彙底餘智不足多也正足贊歎之意金吉甫
曰當時戎狄之患莫大于荆楚高宗之功亦莫大于
伐荆楚蓋自豫南偏踰重山而至鄧號為山南又渡漢
水控引雲夢江沱是為重險荆楚在其間為九州內
之夷狄一出憑陵則北撼中州東矚陳蔡所以最為

中國患也 易既濟之三日高宗伐鬼方三年克之
朱子疑荆楚即易所謂鬼方蓋荆楚之俗多淫祠家
為巫祝民神雜揉故名鬼方 孔氏曰周有天下始
封熊鬻為楚子武丁時不知楚君為何人補傳曰或
者謂周成王始封熊鬻于荆至周惠王時魯僖公元
年始有楚號遂疑商時未有荆楚乃欲假此以實韓
氏宋襄公之說不思自帝譽九州已有荆州之名至
禹貢始分荊州之荆也詩人以有二荆故以荆楚別
荆耳孰謂封熊
鬻始有荆哉

維女

汝音

荆楚居國南鄉昔有成湯自彼氐

都啼切

羌莫敢

不來享

虛良切

莫敢不來王曰商

石經曰商下旁注一王字

是常

上章言伐

楚之功此言楚既服乃以義責之也自三代以前王
都多在西北楚地據東南半天下王者失楚則如面

墻故曰維女荆楚居國南鄉言至近而要也自彼者
舉遠以該近之詞享入貢王來朝也當成湯之時氏
羌雖遠無不賓服謂此商家故事世世遵守今荆楚
密邇倔強不服安得不伐漢書隴都郡有氐道縣
武都郡有羌道縣今陝西鞏昌臨洮所屬之地在晉
之時苻秦為氐姚秦為羌蓋其種類之遺也黃氏曰
羌本姜姓三苗之後居三危

天命多辟

音璧下同

設都于禹之績

資昔切

歲事來辟勿予

平聲

又同

禍適

音謫直革切

稼穡匪解

訖力切設都猶言

多辟謂衆諸侯建國績功業也

九州平治皆禹之功故曰設都于禹之績凡此皆天
所命非予一人之私也歲事朝覲述職之事來辟猶
來王也一不朝則貶爵再不朝則削地所謂禍適也
勿予禍適謂勿干予法以取禍也天子巡狩以土地

田野為慶讓之案故以稼穡匪解相戒屠氏峻
曰按別本匪解下有祀事孔力一句毛本脫去

天命降監下民有嚴叶不僭不濫不敢怠遑命于下國

越過反封建厥福筆力反監濫隔句一韻嚴遑隔句一韻
國福各為一韻上章言天命諸侯朝

于天子此章言天命天子以察諸侯賞僭則懼及淫
人刑濫則懼及善人天命高宗降鑒諸侯之國有嚴
敬其民賞不敢僭刑不敢濫不敢怠遑者則命于下
國而封殖之以福也怠懈也遑急也不敢怠遑者言
不敢過寬而失之慢若僭于賞而無罰是怠也不敢
過急而失之猛若濫于罰而無賞是遑也或賞或罰
總以民事為主而已

商邑翼翼

齊詩作京
師翼翼

四方之極

竭戰切

赫赫厥聲濯濯厥

靈壽考且寧以保我後生

翼極為一韻聲靈寧生為一韻此章則瞻仰高宗頌而

且禱之詞湯都亳其後屢遷至盤庚遷殷改都北亳即高宗所都也以其地在商丘故統曰商邑二亳對峙如鳥之有兩翼故曰翼翼極中也四方政教取正于此以其賞不僭而刑不濫也聲名譽靈威靈賞一用而天下稱仁刑一用而天下稱武是聲之赫赫處賞不用而天下自懷刑不用而天下自服是靈之濯濯處高宗中興之盛如此宜其享壽考康寧之福而保後嗣之事孫也高宗享國五十有九年故曰壽考寧安也後生時王自謂

陟彼景山

先叶

松柏丸

員音

丸是斷

短音

是遷方斲

陟切

是虔

角

松楸

角音

有槲

延音

旅楹

賢音

有閑

寢成

孔安

叶烟

始祭而祔

此廟成

之詞

陟升也景乃亳都山名即景員維河之景九丸圓也
斷截于所生之所遷徙于造作之處方正也正以繩
墨斲削也削以斧斤虔敬也工匠皆敬其事不惰慢
也稍椽也松栢以松為之挺長謂不曲也旅衆楹柱
閑整齊也寢路寢安謂為之者不擾享之者無愧可
見寢廟之作乃報功崇德之典決不容已者也崔
仲晃曰風蓋以幽斯人亂之可極乎頌反于商斯文
啟之復賈乎易終于未濟春秋終于獲麟皆亂極而
思反治之意也

待軒詩記卷八